

四庫全書

經部

欽定四庫全書

經部

春秋左傳注疏卷十二

詳校官監察御史王爾烈

給事中臣溫帶綬覆勘

覆校官中書臣汪日章

校對官中書臣王友亮

謄錄監生臣陳振德

謄錄監生臣范廷驊

欽定四庫全書

春秋左傳注疏卷十一

起僖公元年盡五年

晉杜氏注 唐陸德明音義 孔穎達疏

僖公音義

陸曰僖公名申莊公之子閔公之

疏正義曰魯

世家僖公名申莊公之子閔公庶兄其母成風所生也忠王十八年即位謚法小心畏忌曰僖是歲歲在

首鴉

經元年春王正月

齊師宋師曹伯次于聶北救邢注齊帥諸侯之師救邢

次于聶北者案兵觀釁以待事也次例在莊三年聶北

邢地音義

聶女輒反疏注正義曰公羊穀梁皆以為齊釁許親反師宋師曹師皆是侯伯之身公

羊稱不與諸侯專封故變稱師耳此時方始救邢邢本不滅何以言其封也左氏無此義將卑師衆稱師此三國皆師多而大夫將故名氏不見並稱師公羊以為此言次于聶北救邢與襄二十三年孫豹救晉次于雍榆二事相反為之作說言此是君也進止自由彼是臣也先通君命賈服取以為說杜以傳無此事故不用其言釋例曰所記或次在事前次以成事也或次在事後事成而次也皆隨事實無義例也此時狄人尚強未可即擊案兵觀釁以待其事須可擊乃擊之故次在事前

夏六月邢遷于夷儀注邢遷如歸故以自遷為辭夷儀

邢地疏

注正義曰傳稱師逐狄人具邢器用而遷之則是諸侯遷邢也而文作邢自遷者以邢遷如歸

故以自遷為文公羊傳曰遷者何其意也遷之者何非其意也言邢遷于夷儀許遷于白羽者皆是其國之意

自欲遷之宋人遷宿齊人遷陽者他人強遷其國之意不欲遷也

齊師宋師曹師城邢注傳例曰救患分災禮也一事而

再列三國於文不可言諸侯師故疏

注正義曰春秋之例先會而後盟者

會則具序諸國盟則總稱諸侯公羊謂之前目而後凡此上文已列三國之師救邢救邢與城邢猶是一事相連耳而再列三國之師不依前目後凡者於文不可言諸侯師故也案此十五年歷序諸侯盟于杜丘下書諸侯之大夫救徐襄二十七年歷序諸國大夫會于宋下云諸侯大夫盟于宋此不言諸侯之師城邢者此與會

盟小異十四年諸侯城緣陵為其事有闕故總稱諸侯此若云諸侯之師城邢似為其事有闕總書為貶故雖則煩文而再列三國

秋七月戊辰夫人姜氏薨于夷齊人以歸注傳在閔二

年不言齊人殺諱之書地者明在外薨疏注正義曰傳

彼因孫于邾遂終言之實齊人殺之諱故不言殺也夫人之薨例不書地書地者明其在外而薨若言夫人自行至夷過疾而薨齊人乃以其喪歸耳

楚人伐鄭注荆始改號曰楚疏注正義曰此前常呼為

楚人伐鄭注荆始改號曰楚疏注正義曰此後遂稱為楚據其見經為言故云荆始改號莊二十八年仍書荆伐鄭自爾至今不知何年改

八月公會齊侯宋公鄭伯曹伯邾人于榿注榿宋地陳

國陳縣西北有榿城公及其會而不書盟還不以盟告

音義

榿勅呈反 疏注正義曰經書會于榿傳言盟于棠棠即

盟于戚公既在會而不書其盟以理推之會在盟前知其後盟也蓋公還告會而不告盟也

九月公敗邾師于偃注偃邾地

冬十月壬午公子友帥師敗莒師于鄆獲莒拏注鄆魯

地拏莒子之弟不書弟者非卿非卿則不應書嘉季友

之功故特書其所獲大夫生死皆曰獲獲例在昭二十

三年音義

鄴力知反擊女反 既注正義曰傳言莒子之弟而經不書弟者諸侯之臣

為卿乃見經見經則備書名氏若非卿也傳曰非卿也嘉獲為卿之備文此不書弟見其非卿也

之也以非卿不應書經嘉季友之功能獲莒之大將故特書所獲以美季子公羊亦云此何以書大季子之獲也

特書例曰莒擊非卿非卿則不應書今嘉獲故特書之特書猶不稱弟明諸書弟者皆卿也

十有二月丁巳夫人氏之喪至自齊注僖公請而葬之

故告於廟而書喪至也齊侯既殺哀姜以其尸歸絕之

於魯僖公請其喪而還不稱姜闕文

注正義曰齊人治哀姜之罪取

而殺之則位絕於魯非復魯之夫人其死不合書之於策以僖公請而葬之外欲固齊以居厚内存母子不絕

之義故其書於經薨葬備禮諱之若言無罪而自死然既諱其殺不宜有貶公羊傳曰夫人何以不稱姜氏貶曷為貶與弑公也殺梁傳曰其不言姜以其殺二子貶之也或曰為齊桓諱殺同姓也賈遠云殺子輕故但貶姜然則姜氏者夫人之姓二字共為一義不得去姜存氏去氏存姜若其必有所貶自可替其尊號去一姜字復何所明於薨於葬未嘗有貶何故喪至獨去一姜公羊傳又曰曷為不於弑焉貶貶必於其重者莫重乎其以喪至也案禮之成否在於薨葬何以喪至獨得為重喪至已加貶責於葬不應備文何故葬我小君復得成禮正以薨葬備禮知其無所貶責故杜以經無姜字直是闕文公羊穀梁見其文闕妄為之說耳

傳元年春不稱即位公出故也注國亂身出復入故

即位之禮有闕音義

復扶又反下文同

公出復入不書諱之

也諱國惡禮也注掩惡揚善義存君親故通有諱例
皆當時臣子率意而隱故無深淺常准聖賢從之以

通人理有時而聽之可也音義

准準同疏正義曰去之尹反年八月閏

公死僖公出奔邾九月慶父出奔莒公即歸魯言公
出故者公出而復歸即位之禮有闕為往年公出奔
之故非言應即位之時公在外也齊小白陽生之徒
皆出而復入經書其入僖公類之亦應書入往年公
出復入不書諱之國內有亂致令公出不書公出復
入諱國亂也國亂國之惡事諱國惡是禮也時史諱
而不書仲尼因而不改嫌諱非禮故以禮居之注正
義曰坊記曰善則稱君過則稱己則民作忠善則稱
親過則稱己則民作孝是掩惡揚善之義義存君與
親也君親之惡務欲掩之是故聖賢作法通有諱例

諱雖有例而事無定體或諱大不諱小或諱小不諱大皆當時臣子率己之意而為之隱故無淺深常准隱十年公羊傳曰於外大惡書小惡不書於內大惡諱小惡書必如彼言是有常準歷檢春秋都無定例納鼎惡於易田諱田而不諱鼎公入小於公出諱入而不諱孫是其無常准也既無常准隨諱深淺舊史有所辟諱聖賢因而從之以通人事之理故容有掩惡之法釋例曰有時而聽之則可也正以為後法則不經故不奪其所諱亦不為之定制言若正為後法每事皆諱則為惡者無復忌憚居上者不知所懲不可盡令諱也人之所極惟君與親纔有小惡即發其短非復臣子之心全無愛敬之義是故不抑不勸有時聽之以為諱惡者禮也無隱者直也二者俱通以為世教也○諸侯救邢注實大夫而曰諸侯總衆國之辭疏注正義曰於例將卑師衆稱師三國並稱為師

是皆大夫將也實大夫也而曰諸侯總衆國之辭也桓五年蔡人衛人陳人從王伐鄭傳曰王以諸侯伐鄭彼亦大夫將總衆國而稱諸侯也先儒以為此後諸侯身行故言此以異之

邢人潰出奔

師注奔聶止之師也邢潰不書不告也音義

潰戶內反師

遂逐狄人具邢器用而還之師無私焉注皆撰具還

之無所私取音義

撰仕春反又仕轉反

疏

注正義曰邢人潰而奔師棄其家之器物

師逐狄人為之斂衆皆撰具以還邢人師人無所私取善齊桓委任得人用兵嚴整也

○夏邢

遷于夷儀諸侯城之救患也凡侯伯救患分災討罪

禮也注侯伯州長也分穀帛音義

分甫問反又如疏字長丁丈反

注正義曰此因齊侯發例齊侯之為侯伯當是王之
二伯此言州長必是九州之長但州牧於其竟內亦
當救患討罪以州牧亦掌此事故言州長以
包之有災害者分之財物知分者分穀帛也 ○秋楚

人伐鄭鄭即齊故也盟于犂謀救鄭也注犂即檉也

地有二名音義

犂音洛又力角反

○九月公敗邾師于偃虛

丘之戍將歸者也注虛丘邾地邾人既送哀姜還齊

人殺之因戍虛丘欲以侵魯公以義求齊齊送姜氏

之喪邾人懼乃歸故要而敗之音義

虛起居反疏注要於遙反疏正

義曰犂之盟也邾人在焉公既盟而敗其師傳不明言其故直云虛丘之戍不知虛丘誰地何故戍之服

慶云虛丘魯邑魯有亂邾使兵戍虛丘魯與邾無怨
因兵將還要而敗之所以惡僖公也邾之於魯本無
怨惡僖公奔邾則為之外主國亂則戍其內邑無故
而敗其師亡信背義莫斯之甚非僖公作頌之主所
當行也杜以為不然故別為此說此說亦無所據要
其理當然也案十二月夫人之喪始至此九月敗邾
師而云以義求齊齊送姜氏之喪者夫人以七月薨
公即求齊齊既許之邾聞許而將歸魯得許而敗邾
師耳 ○冬莒人來求賂注求還慶父之賂公子友敗諸

鄆獲莒子之弟挈非卿也嘉獲之也注莒既不能為

魯討慶父受魯之賂而又重來其求無厭故嘉季友

之獲而書之音義為魯于偽反重來直用反厭於鹽反公賜季友汶陽

之田及費注汶陽田汶水北地汶水出泰山萊蕪縣

西入濟音義

汶音問費音秘萊音來

疏

注正義曰水北曰陽故知汶水北地釋例曰汶

水出泰山萊蕪縣西南經濟北至東平須昌縣入濟

○夫人氏之喪至自齊君

子以齊人殺哀姜也為已甚矣女子從人者也注言

女子有三從之義在夫家有罪非父母所宜討也

經二年春王正月城楚丘注楚丘衛邑不言城衛衛未

遷

注正義曰此決城邢也彼既遷訖乃為城之不言城夷儀而言城邢邢已遷也此則先城楚丘將以

封衛言城楚丘不言城衛衛未遷也

夏五月辛巳葬我小君哀姜注無傳反哭成喪故稱小君例在定十五年

虞師晉師滅下陽注下陽號邑在河東大陽縣晉於此

始赴見經滅例在襄十三年音義大音泰一音如字見賢遍反

秋九月齊侯宋公江人黃人盟于貫注貫宋地梁國蒙

縣西北有貫城貫與貫字相似江國在汝南安陽縣音

義

貫古亂反貫市夜反又音世 疏正義曰公羊殺梁皆云江人黃人

國降而稱也賈云江黃稱人刺不度德善鄰恃齊背楚終為楚所滅其意雖異皆以江人黃人為國君親來杜

以諸侯之貶不至稱人則稱人者皆是其國之大夫耳
齊桓威德稍盛遠國來服齊桓謙以接遠故與宋公會
之

冬十月不雨注傳在三年

楚人侵鄭

傳二年春諸侯城楚丘而封衛焉注君死國滅故傳

言封疏

注正義曰封者聚土之名也天子之建諸侯必介之土地立其疆界聚土為封以記之故

建國謂之封國衛是舊國今云封者以其君死國滅更封建之故云封也不書所會後也

注諸侯既罷而魯後至諱不及期故以獨城為文○

晉荀息請以屈產之乘與垂棘之璧假道於虞以伐

虢注荀息荀林也屈地生良馬垂棘出美玉故以為

名四馬曰乘自晉適虢途出於虞故假道音義屈求

又居勿反注同疏正義曰聘禮云若過他邦至于竟

乘繩證反注同疏使次介假道束帛將命于朝下大

夫取以入告出許是禮過他國必假道也聘尚假道

况乎伐國故請以璧馬假借也穀梁傳曰借道乎虞

公曰是吾寶也對曰若得道於虞猶外府也公曰宮

之奇存焉注宮之奇虞忠臣音義奇其對曰宮之奇

之為人也懦而不能強諫注懦弱也音義懦本又作

懦乃亂反

又乃貨反字林作愞音乃
亂反強其良反又其丈反
且少長於君君暱之雖諫

將不聽注親而狎之必輕其言音義

少詩照反長丁丈反暱女乙反

乃使荀息假道於虞曰冀為不道入自顛軫伐鄭三

門注前是冀伐虞至鄭鄭虞邑河東大陽縣東北有

顛軫坂音義

丁軫音零鄭亡丁反坂音反

冀之既病則亦唯君故注

言虞報伐冀使病將欲假道故稱虞彊以說其心冀

國名平陽皮氏縣東北有冀亭音義

說音悅

疏

正義曰服虔以

為冀為不道伐鄭三門謂冀伐晉也冀之既病亦唯
君故謂虞助晉也將欲假道稱前恩以誘之案傳荀

息以寶假道公尚慮虞不許則晉之於虞舊非與國若其嘗經助晉則是昔來通好何憂乎不許而請進國之美寶尚畏宮之奇諫乎故杜以為冀自伐虞虞自報冀以虞能報冀晉不能報弼言己弱以示其恥言虞強以說其心此

今號為不道保於逆旅注逆旅

雖無文理必然也

客舍也號稍遣人分依客舍以聚眾抄晉邊邑音義

抄初教反又楚疏注正義曰晉語云陽處父過甯舍稍反強取物

疏

於逆旅甯嬴氏知逆旅是客舍也

逆迎也旅客也迎止宿客之處也保者固守之語知其分依客舍伺候抄晉邊邑既又入而保之觀其此語則號晉接鄰但向其都邑須過虞竟當以從彼詣號路遙山險易來難往故也

以侵敝邑

之南鄙敢請假道以請罪于號注問號伐己以何罪

虞公許之且請先伐虢注喜於厚賂而欲求媚宮之

竒諫不聽遂起師夏晉里克荀息帥師會虞師伐虢

滅下陽注晉猶主兵不信虞疏

注正義曰如傳之言直云會虞伐虢未知

誰為兵主但下云先書虞賄故也若虞為兵主自當在先不須云先書虞也明晉實為主而仲尼先書虞故知晉猶兵主不信虞也先書虞賄故也注虞非倡兵之首而先

書之惡貪賄也音義

賄呼罪反惡烏路反

○秋盟于貫服江黃

也注江黃楚與國也始來服齊故為合諸侯音義為于

偽反○齊寺人貂始漏師于多魚注寺人內奄官豎

貂也多魚地名闕齊桓多嬖寵內則如夫人者六人外則幸豎貂易牙之等終以此亂國傳言貂於此始

擅貴寵漏洩桓公軍事為齊亂張本音義寺如字又音侍寺人

奄官名貂音彫豎上主反擅疏注正義曰周禮內宰時戰反洩息列反又以制反疏之屬有內小臣奄上

士四人寺人王之正內五人內豎倍寺人之數寺人掌王之內人及女宮之戒令內豎掌內外之通令皆

掌婦人之事是自內小臣以下皆用奄人為官也鄭玄云豎未冠者之官名然則此人名貂幼童為內豎

之官以為齊侯所寵後雖年長遂呼為豎貂焉此時為寺人之官故稱寺人貂也言漏師者漏泄師之密

謀也漏師已是大罪此云始者言其終又甚焉故言始以為齊亂張本
○號公敗戎于

桑田注桑田號地在弘農陝縣東北晉卜偃曰號必
亡矣亾下陽不懼而又有功是天奪之鑿注鑿所以
自照而益其疾也注驕則生疾必易晉而不撫其民
矣不可以五稔注稔熟也為下五年晉滅號張本音

義

易以豉反
稔入甚反

○冬楚人伐鄭鬪章囚鄭聃伯注經書

侵傳言伐本以伐興權行侵掠為後年楚伐鄭鄭伯

欲成張本音義

聃乃其反
掠音亮

經三年春王正月不雨夏四月不雨注一時不雨則書

首月傳例曰不曰旱不為灾疏

注正義曰一時不雨則書首月者解去冬今春

也書首月者皆竟時不雨次月不雨不復書也故夏四月不雨五月不雨不復書六月得雨乃書之此由不雨日久方始追叙其事每時一書所以詳其文也不於去年冬十月及今年正月不雨注必於夏四月不雨注者以下有六月雨既備書則五月不雨亦應備書今唯云夏四月不雨故杜云一時不雨則書首月以解五月不書不雨之意文二年自十有二月不雨至于秋七月十年自正月不雨至于秋七月二者皆總書不雨又不書得雨之月與此年書不雨文異者穀梁傳曰一時言不雨者閏雨也閏雨者有志乎民者也六月雨云者喜雨也喜雨者有志乎民者也文二年傳曰歷時而言不雨文不憂雨也不憂雨者無志乎民也言僖有憂民之志故每時一書文無憂民之志是以歷時總書賈逵取以為說杜既不注或亦史異辭也

徐人取舒注無傳徐國在下邳僮縣東南舒國今廬江

舒縣勝國而不用大師亦曰取例在襄十三年音義

邳皮

悲反僮音童廬力居反疏注正義曰諸侯相滅亡者多是土壤鄰

接思

啓封疆今檢杜注徐在下邳舒在

廬江相去甚遙而越竟滅國無傳無注不知所以襄十三年傳例曰凡書取言易也用地師焉曰滅然則滅之與取俱是絕其國家有其土地難則稱滅易則為取釋例曰用大師起大衆重以陷敵因而有之故曰勝國通以滅為文也取者乘其衰亂或受其潰叛或用小師而不煩兵勞力則直言取如取如攜言其易也是勝國而不用大師亦為取也

六月雨注示旱不竟夏

秋齊侯宋公江人黃人會于陽穀注陽穀齊地在東平

須昌縣北

冬公子友如齊涖盟注涖臨也音義

涖音利又音類 䟽注正義曰公羊

傳曰涖盟者何往盟于彼也來盟者何來盟于我也盟者殺牲歃血告誓神明人臨其上從我去者出我之意故言往彼臨視從外至者我共臨視故直舉其來

楚人伐鄭

傳三年春不雨夏六月雨自十月不雨至于五月不

曰旱不為災也注周六月夏四月於播種五稼無損

音義

夏戶雅反

○秋會于陽穀謀伐楚也注三年楚侵鄭

故○齊侯為陽穀之會來尋盟冬公子友如齊涖盟

注公時不會陽穀故齊侯自陽穀遣人詣魯求尋盟

魯使上卿詣齊受盟謙也音義

為于偽反

○楚人伐鄭鄭

伯欵成孔牀不可曰齊方勤我注孔牀鄭大夫勤恤

鄭難音義

難乃旦反

棄德不祥注祥善也○齊侯與蔡姬

乘舟于囿蕩公注蔡姬齊侯夫人蕩搖也囿苑也蓋

魚池在苑中音義

囿音又

公懼變色禁之不可公怒歸

之未絕之也蔡人嫁之注為明年齊侵蔡傳

經四年春王正月公會齊侯宋公陳侯衛侯鄭伯許男

曹伯侵蔡蔡潰注民逃其上曰潰例在文三年遂伐楚

次于陘注遂兩事之辭楚強齊款綏之以德故不速進

而次陘陘楚地潁川台陵縣南有陘亭音義

陘音刑召上照反傳

皆疏注正義曰桓八年祭公來遂逆王后于紀公羊傳

同疏曰遂者何生事也謂奉無向紀之心至魯始生意

也殺梁傳曰遂繼事之辭也此云兩事之辭謂既有上

事復為下事不以奉謀有心無心為異也此齊侯先有

伐楚之心因行而侵蔡耳三十年襄仲將聘于周遂初

聘于晉桓十八年公將有行遂與姜氏如齊如此之類

本謀為二事也六年諸侯伐鄭楚人圍許諸侯遂救許
莊十九年公子結媵陳人之婦于鄆遂及齊侯宋公盟
如此之類本無謀而因事便行也但是兩事
皆稱為遂故曰兩事之辭不別本謀與否

夏許男新臣卒注未同盟而赴以名疏正義曰成十三年曹伯廬卒于

師此不言于師者殺梁傳曰諸侯死於國不地死於外
地死于師何為不地內桓師也注云齊桓威德洽著諸
侯安之雖卒於外與其在此國同賈逵云不善於師善會
主加禮若卒於國左氏無此義釋例曰若卒于朝會或
書師或書地者史之成文非義所存然則或言于師或
不言于師亦是史有詳畧無義例也注稱赴以名者公
雖在軍死須相赴
史得赴乃書耳

楚屈完來盟于師盟于召陵注屈完楚大夫也楚子遣

完如師以觀齊屈完覩齊之盛因而求盟故不稱使以

完來盟為文齊桓退舍以禮楚故盟召陵召陵潁川縣

也疏

注正義曰公羊傳曰屈完者何楚大夫也何以不稱使尊屈完也曷為尊屈完以當桓公也其意言

屈完楚之貴者尊之以敵齊侯若屈完足以自專無假君命不為楚子所使故作自來之文服虔取以為說案孔子曰君使臣以禮臣事君以忠此聖人之明訓也今乃尊人之臣許其不為君使輕人之主以為不合使臣是乃縱辱下以覲覲教強臣以專恣約之以禮豈當然乎故杜別為此解楚子奉使屈完如師以觀齊師之強弱強則欲服弱則欲拒屈完自來盟為文殺梁傳曰其楚子之意故不稱使以屈完自來盟為文殺梁傳曰其不言使權在屈完也是其權時之便自來與齊盟也完之本意欲即盟於軍齊桓喜其來服退舍以禮楚言來

盟于師書屈完之意也盟于召陵書實盟之所也成二年齊侯使國佐如師不言來而此言來者彼既云如師不須稱來此不言如師故云來耳此既云來盟不復須言及屈完盟彼無來盟之文故別言及國佐盟意異於此故文不同服虔云言來者外楚也嫌楚無罪言來以外之來者自外之文非別罪之所若在若以言來即為罪楚則仲孫高子之來也復外齊而罪之乎且惡楚者當惡其辟在蠻夷負固不服不服之日容可外之服而又為外款何為也

齊人執陳轅濤塗注轅濤塗陳大夫音義袁陳大夫氏也本多作轅

濤音
桃

秋及江人黃人伐陳注受齊命討陳之罪而以與謀為

文者時齊不行使魯為主與謀例在宣七年音義與預下

同疏注正義曰直言及江黃者將卑師少故不言主帥言微者及之宣七年傳例曰凡師出與謀曰及不

與謀曰會而春秋征伐受命於盟主者實是與謀皆不言及釋例曰盟主之令則上行乎下非匹敵和成之類故雖或先謀皆從不與謀之例然則此伐陳者受齊之命討陳之罪亦是上行乎下而經書及者於時齊師不行使魯為主魯與江黃謀之然後共伐故以與謀為文

八月公至自伐楚注無傳告于廟

葬許穆公

冬十有二月公孫茲帥師會齊人宋人衛人鄭人許人

曹人侵陳注公孫茲牀牙子叔孫戴伯

傳四年春齊侯以諸侯之師侵蔡蔡潰遂伐楚楚子使與師言曰君處北海寡人處南海唯是風馬牛不相及也注楚界猶未至南海因齊處北海遂稱所近

牛馬風逸蓋末界之微事故以取喻音義近附近疏

注正義曰襄十二年傳稱楚子囊述共王之德撫有蠻夷奄征南海唯言征南海耳其竟未必至南海也因齊實處北海遂稱所近言其相去遠也服虔云風放也牝牡相誘謂之風尚書稱馬牛其風此言風馬牛謂馬牛風逸牝牡相誘蓋是末界之微事言此事不相及故以取喻不相干也

涉吾地也何故管仲對曰昔召康公命我先君大公

曰注召康公周大保召公奭也音義

大音泰注同奭音釋疏正

曰謚法安樂撫民曰康

五侯九伯女實征之以夾輔周室注五

等諸侯九州之伯皆得征討其罪齊桓因此命以夸

楚音義

女音汝夾古洽反蕩古協反夸苦瓜反

疏注

正義曰太公為王官之伯得以王命征

討天下隨罪所在各致其罰故五等諸侯九州之伯皆得征討其罪齊桓因太公有此王命言已上世先公得征討有罪所以夸楚也鄭玄以為周之制每州以一侯為牧二伯佐之九州有九侯十八伯太公為東西大伯中分天下者當各統四侯半一侯不可分故言五侯其伯則各有九耳侯為牧伯佐之言是周

制其事無所出也且征者征其所統之國非征侯伯
之身何當計較人數以充五九之言即如其言使伯
佐牧二伯共佐治而已非是分州之半復安得征
九伯也按穀煩碎非復人情故先儒無同之者賜
我先君履東至于海西至于河疏正義曰釋例曰海
章武渤海樂陵樂安北海東萊城陽東海廣陵吳郡
會稽十四郡之東界以東河出西平西南二千里從
西平東北經金城故北地朔方五原至故雲中南經
平陽河東之西界東經河東河內之南界東北經汲
郡頓丘陽平平原樂陵之東南入海杜之此言據其
當時之河耳禹貢導河積石至于龍門南至于華陰
東至于底柱又東至于孟津東過洛汭至于大伾北
過降水至于大陸又北播為九河同為逆河入于海
案驗其地自大伾以上河道不改大伾以下即是汲
郡以東河水東流秦漢以來始然也古之河道自大

伍而北過降水故迹不可復知其大陸則趙之廣澤也大陸以北播為九河九河故道河間成平以南平原鬲縣以北其九河者徒駭一太史二馬頰三覆釜四胡蘇五簡六絜七鈎盤八鬲津九徒駭冢西以次而東故鄭注禹貢河間弓高縣往往有其處中侯云齊桓霸過八流以自廣計桓公之時齊之西竟當在九河之冢西徒駭蓋是齊之西界其東至于海當盡樂安北海之東界也南至于穆陵北

至于無棣注穆陵無棣皆齊竟也履所踐履之界齊

桓又因以自言其盛音義棣大計反竟音境下皆同爾貢包茅不

入王祭不共無以縮酒寡人是徵注色裹束也茅菁

茅也束茅而灌之以酒為縮酒尚書包匭菁茅茅之

為異未審音義

共音恭本亦作供下及注同縮所六反裹音果菁子丁反苞或作包匪音

孰本或

疏

注正義曰禹貢荊州色匪菁茅孔安國云其所色裹而致者匪匣也菁以為菹茅以

縮酒郊特牲云縮酌用茅鄭玄云藉之以茅縮去滓也周禮甸師祭祀共蕭茅鄭興云蕭字或為茵茵讀

為縮束茅立之祭前沃酒其上酒滲下去若神飲之故謂之縮縮滲也故齊桓公責楚不貢包茅王祭不

共無以縮酒杜用彼鄭興之說也孔安國以菁與茅別杜云茅菁茅則以菁茅為一特令荊州貢茅必當

異於餘處但更無傳說故云茅之為異未審也沈氏云大史公封禪書云江淮之間一茅三脊杜云未審

者以三脊之茅比目之魚比翼之鳥皆是靈物不可常貢故杜云未審也

昭王南征而不復寡人是問注昭王成王之孫南巡守涉漢船壞而

溺周人諱而不赴諸侯不知其故故問之音義

守手又反

溺乃疏注正義曰昭王成王之孫周本紀文也呂氏

歷反疏春秋季夏紀云周昭王親將征荆蠻辛餘靡

長且多力為王右還反涉漢梁敗王及祭公頤于漢

中辛餘靡振王北濟反振祭公高誘注引此傳云昭

王之不復君其問諸水濱由此言之昭王為沒於漢

辛餘靡馬得振王北濟也振王為虛誠如高誘之注

又稱梁敗復非船壞舊說皆言漢濱之人以膠

膠船故得水而壞昭王溺焉不知本出何書

對曰

貢之不入寡君之罪也敢不供給昭王之不復君其

問諸水濱注昭王時漢非楚竟故不受罪音義

疏注正義曰楚世家成王封熊繹於楚以子男之田

國居丹陽宋仲子云丹陽南郡枝江縣也枝江去

漢其路甚遙昭王時漢非楚竟故不受罪也

師進次于陘注楚不服罪故

復進師音義

復扶又反

夏楚子使屈完如師注如陘之師

觀強弱師退次于召陵注完請盟故齊侯陳諸侯之

師與屈完乘而觀之注乘共載音義

乘繩證反注同

齊侯曰

豈不穀是為先君之好是繼與不穀同好如何注言

諸侯之附從非為己乃尋先君之好謙而自廣因求

與楚同好孤寡不穀諸侯謙稱音義

是為于偽反注同好呼報反下

及注同稱尺證反

疏注正義曰諸侯之交必稱先君以相接此時諸侯有魯宋陳衛鄭許曹桓公以

前皆嘗與齊交接故齊侯稱繼先君之好謙以自廣也老子曰孤寡不穀王侯之謙稱也曲禮云諸侯與民言自稱寡人庶方小侯自稱曰孤其在四夷雖大曰子於內自稱不穀禮記雖為定例事在臨時所稱此齊侯自稱不穀襄王出奔亦稱不穀皆出自當時之意耳爾雅訓穀為善穀是養人之物言我不似穀之養人也對曰君惠徼福於敝邑之社稷辱收寡君寡

君之願也齊侯曰以此衆戰誰能禦之以此攻城何城不克對曰君若以德綏諸侯誰敢不服君若以力

楚國方城以為城漢水以為池注方城山在南陽葉

縣南以言竟土之遠漢水出武都至江夏南入江言

其險固以當城池音義

徵古堯反要也漢水以為池本或作漢以為池水衍字葉

始涉反當
丁浪反

雖眾無所用之屈完及諸侯盟○陳轅濤

塗謂鄭申侯曰師出於陳鄭之間國必甚病注申侯

鄭大夫當有供給之費故音義

費芳
味反

若出於東方觀

兵於東夷循海而歸其可也注東夷鄭莒徐夷也觀

兵示威音義

鄭音
談

申侯曰善濤塗以告齊侯許之注

許出東方申侯見曰師老矣若出於東方而遇敵懼
不可用也若出於陳鄭之間共其資糧屣屣其可也

注扉草屨音義

見賢遍反糧音良扉符費反

疏

正義曰少儀云君將適他臣如致金

玉貨貝於君則曰致馬資於有司鄭玄云資猶用也然則諸所費用之物皆為資也糧謂米粟行道之食也扉屨俱是在足之物善惡異名耳楊雄方言云扉粗屨也絲作之曰履麻作之曰扉粗者謂之屨喪服傳曰跣屨者蔗荊之菲也是菲用草為之也注云草屨者履屨通言耳相形以曉人也定本為草屨齊侯說與之虎牢注還以鄭邑賜之音義

說音悅

執轅濤

塗○秋伐陳討不忠也注以濤塗為誤軍道○許穆

公卒于師葬之以侯禮也注男而以侯禮加一等凡

諸侯薨于朝會加一等注諸侯命有三等公為上等

侯伯中等子男為下等死王事加二等注謂以死勤

事疏

正義曰沈氏云朝會亦王事而別言死王事者謂因王事或戰陳而死故別其文也

於是

有以袞斂注袞衣公服也謂加二等音義

袞古本反袞冕上公

服斂力驗反

○冬牀孫戴伯帥師會諸侯之師侵陳陳成

歸轅濤塗注陳服罪故歸其大夫戴謚也○初晉獻

公欲以驪姬為夫人卜之不吉筮之吉疏

正義曰曲禮云卜筮

不相襲鄭玄云卜不吉則又筮筮不吉則又卜是瀆龜筮也晉獻公卜娶驪姬不吉公曰筮之是也如彼

記云卜之不吉不合更筮但獻公既愛驪姬欲必尊其位故卜既不吉更令筮之冀乎筮而得吉所以遂

己心也詩云我龜既厭不我告猶鄭玄云卜筮數而
瀆龜龜靈厭之不復告其所圖之吉凶由是貫瀆龜
筮不復告之以實故終實不吉而筮稱其吉是筮非
不知而不以實告也周禮筮人云凡國之大事先筮
而後卜鄭玄云當用卜者先筮之既事漸也於筮之
凶則止不卜而傳稱桓公卜季友晉獻公卜驪姬晉
文公卜納王趙鞅卜救鄭皆先卜而後筮者周禮言
其正法耳春秋之世臨時請問者或卜或筮出自當
時之心不必皆先筮後卜崔靈恩以為國之大事先
筮而後卜筮凶則止不卜者筮必以三代之法若三
法皆凶則止不卜若兩法是凶一法為吉名為筮逆
猶是疑限故更卜以決之則洪範筮逆龜從是也故
大卜掌三兆三易儀禮特牲少牢筮皆旅占
是筮有衆占之法則靈恩之說義亦可通

公曰從

筮卜人曰筮短龜長不如從長注物生而後有象象

而後有滋滋而後有數龜象筮數故象長數短音義

不如依字讀疏注正義曰筮數以上皆十五年傳云

凡物皆先有形象乃有滋息是數從象生也龜以本

象金木水火土之兆以示人故為短周禮占人掌占龜鄭玄云

九六之策以示人故為短禮占人掌占龜鄭玄云

占人亦占筮言掌占龜者筮短龜長主於長者亦用

此傳為說案易繫辭云著之德圓而神卦之德方以

智神以知來知以藏往然則知來藏往是為極妙雖

龜之長無以加此聖人演筮以為易所知豈短於卜

卜人欲令公舍筮從卜故云筮短龜長非是龜能實

長杜欽成筮短龜長之意故引傳文且其繇曰專之

以證之若至理而言卜筮實無長短

渝攘公之踰注繇卜兆辭渝變也攘除也踰美也言

變乃除公之美音義

下踰同音據如羊反

一薰一蕕

十年尚猶有臭注薰香草猶臭草十年有臭言善易

消惡難除音義

薰許云反蕕音由易以豉反

疏

正義曰言公若專心愛之公心必將

改變變乃除公之美公先有美此人將除去之薰是香草猶是臭草一薰一蕕言分數正等使之相和雖積十年尚猶有臭氣香氣盡而臭氣存言善惡聚而多少敵善不能止惡而惡能消善注正義曰筮卦之辭亦名為繇但此是卜人之言知是卜兆辭也卜人舉此辭以止公則兆頌禱有此辭非卜人始為之也卜人言其辭而不言其意不知得何兆此義何所出也渝變據除皆釋言文也釋畜云夏羊牡踰牝殺則踰是羊之名美善之字皆從羊故踰為美也變乃除公之美言公心必變而除公美也此傳之意言善惡

相雜二字皆從草知是香草臭草也月令五時各言其臭中央土云其臭香易繫辭云其臭如蘭傳稱在君之臭味則臭是氣之總名元非善惡之稱但既謂善氣為香故專以惡氣為臭耳十是數之小成故舉以為言焉十年香氣盡矣惡氣尚存言善易消而惡難滅也杜知猶是臭者內則云牛夜鳴則腐彼腐亦是臭義其字雖異其意亦同尚猶有臭猶則尚之義重言之耳猶尚書云弗遑暇食遑則暇也必不

可弗聽立之生奚齊其娣生卓子及將立奚齊既與

中大夫成謀姬謂大子曰君夢齊姜必速祭之注齊

姜大子母言求食音義卓吐濁反大子祭于曲沃歸胙于

公注胙祭之酒肉音義胙才反公田姬寘諸宮六日公

至毒而獻之注毒酒經宿輒敗而經六日明公之惑

音義

寘之
鼓反

公祭之地地墳與犬斃與小臣小臣亦

斃音義

墳扶粉反
斃婢世反

疏

正義曰
晉語說此事云公田驪

受昨乃寘斃於酒寘莖於肉

公至召申生獻公祭地地墳申生恐而出驪姬與犬
肉犬斃飲小臣酒亦斃此傳既畧當如國語也賈逵
云莖鳥頭也殺梁傳曰以醖為酒藥脯以毒注正義
曰毒酒經宿便敗而公不怪其六日仍得如故明公
之惑於驪姬不

以六日為怪也

姬泣曰賊由大子大子奔新城注新

城曲沃公殺其傅杜原款或謂大子子辭君必辯焉

注以六日之狀自理音義

款苦管反
辯兵免反

大子曰君非姬

氏居不安食不飽我辭姬必有罪君老矣吾又不樂

注吾自理則姬死姬死則君必不樂不樂為由吾也

音義

樂音洛
注同

曰子其行乎天子曰君實不察其罪被

此名也以出人誰納我十二月戊申縊于新城姬遂

譖二公子曰皆知之重耳奔蒲夷吾奔屈注二子時

在朝為明年晉殺申生傳音義

被皮寄反又皮綺反
縊一賜反譖側鳩反

經五年春晉侯殺其世子申生注稱晉侯惡用讒書春

從告音義

惡烏
路反

疏

注正義曰公羊傳曰曷為直稱晉侯
以殺殺世子母弟直稱君者甚之也

言父子相殘惡之甚者是惡其用讒殺大子故斥言晉侯以罪之罪晉侯則申生無罪也傳稱晉侯使以殺大子申生之故來告實以去年死告稱今年殺故以今年書也釋例曰晉魯久不交使而告殺申生則所告不必嘗有玉帛之使但欲廣聲其罪耳言廣聲其罪則晉侯謂讒言為實誣加大子以罪時史知其實改告而書之此傳不言書曰則是舊史然也

杞伯姬來朝其子注無傳伯姬來寧寧成風也朝其子

者時子年在十歲左右因有諸侯子得行朝義而卒不

成朝禮故繫於母而曰朝其子音義杞伯姬來絕句來歸寧朝其子猶言

其子疏注正義曰伯姬未必是成風所生但哀姜既死成風得為夫人縱非其母亦得歸寧也沈氏云

伯姬以莊二十五年六月歸于杞假令後年生子則其
年十四矣杜云十歲左右者以其從母言朝故云十歲
左右也桓九年曾伯使世子射姑來朝是諸侯之子得
有攝君之禮行朝之義但此子幼弱而卒不成朝故繫
於母而曰朝其子也若其能行朝禮
則世子當如射姑伯姬別言來耳

夏公孫茲如牟注牀孫戴伯娶於牟卿非君命不越竟

故奉公命聘於牟因自為逆音義竟音境為疏注正義
于偽反曰牟是

附庸之國唯桓十五年邾人牟人葛人來朝自爾以來
更不朝聘於魯魯不應使卿聘此小國當是牀孫聘妻
已定但卿非君命不得越竟故咨公請使奉君命
以聘因自為逆婦故傳稱娶焉明其因娶而聘

公及齊侯宋公陳侯衛侯鄭伯許男曾伯會王世子于

首止注惠王太子鄭也不名而殊會尊之也首止衛地

陳留襄邑縣東南有首鄉

秋八月諸侯盟于首止注間無異事復稱諸侯者王世

子不盟故也王之世子尊與王同齊桓行霸翼戴天子

尊崇王室故殊貴世子音義

復扶又反疏注正義曰公羊傳

一事而再見者前目而後凡也言此諸侯還是上會之諸侯故從省文不復序也昭十三年秋公會劉子晉侯云云于平丘八月甲戌同盟于平丘不言諸侯者為間無異事故也九年夏公會宰周公齊侯云云于葵丘九月諸侯盟于葵丘言諸侯者為其間有伯姬卒故也此會盟之間無他異事復稱諸侯者為王世子不盟故也此

穀梁傳曰復舉諸侯何也尊王世子而不敢與盟也釋
例曰未有臣而盟君臣而盟君是子可盟父故春秋王
世子以下會諸侯者皆同會而不同盟是解復言諸侯
者見王世子不與盟也王世子者王之儲副周禮膳夫
掌養王及后世子歲終則會唯王及后世子之膳不會
是其尊與王同也齊桓行霸翼戴天子尊崇王室故殊
貴王之世子於會則歷序諸侯言會王世子則王世子
不序諸侯之列也盟則諸侯自盟世子不與是殊貴世
子也鄭伯逃歸不盟注逃其師而歸也逃例在文三年疏

注正義曰禮君行師從卿行旅從雖則會盟必有師旅
鄭伯棄其師衆輕身逃歸釋例曰國君而逃師棄盟違
其典儀棄其章服羣臣不知其謀社稷不保其安此與
匹夫逃竄無異故例在上曰逃是言稱逃之意也逃在
盟前辟盟而逃故云逃歸不盟
公還先告會盟故後書鄭伯

楚人滅弦弦子奔黃注弦國在弋陽軹縣東南音義

音軹

犬

九月戊申朔日有食之注無傳

冬晉人執虞公注虞公貪璧馬之寶距絕忠諫稱人以

執同於無道於其民之例例在成十五年所以罪虞且

言易也晉侯脩虞之祀而歸其職貢於王故不以滅同

姓為讖音義

易以

疏

注正義曰書晉人執虞公則從無

道於民之例虞公於傳未有不道

之狀但虞公貪璧馬之寶拒絕忠諫諫者所以安存社稷保佑下民志在貪寶無恤民之意即為不道於民是

故稱人以執之也實是滅其國而言執其君者所以罪
虞公且言執之易釋例曰虞公昧於貨賄貪以自亡國
非其國臣非其臣晉人取之若執一夫故稱人以執而
不言滅罪虞且言易也二十五年衛侯燬滅邢傳曰同
姓也故名虞亦晉之同姓不言晉侯名者傳稱晉侯脩
虞祀且歸其職貢於王以是之故不以滅同姓為譏謂
不書晉侯名也

傳五年春王正月辛亥朔日南至注周正月今十一

月冬至之日日南極公既視朔遂登觀臺以望而書

禮也注視朔親告朔也觀臺臺上構屋可以遠觀者

也朔旦冬至歷數之所始治歷者因此則可以明其

術數審別陰陽叙事訓民魯君不能常脩此禮故善

公之得禮音義

登觀古亂反注同臺以望絕句而書本或作而書雲物非也別彼列反

凡分至啓閉必書雲物注分春秋分也至冬夏至也

啓立春立夏閉立秋立冬雲物氣色定變也傳重申

周典不言公者日官掌其職音義

重直用反

為備故也注

素察妖祥逆為之備疏

正義曰辛亥朔者月一日也日南至者冬至日也天子班

朔於諸侯諸侯受而蒞之於大祖廟每月之朔告廟受而行之諸侯有觀臺所以望氣祥也公既親自行此視朔之禮遂以其日往登觀臺之上以瞻望雲及物之氣色而書其所見之物是禮也凡春秋分冬夏

至立春立夏為啓立秋立冬為閉用此八節之日必
登觀臺書其所見雲物氣色若有雲物變異則是歲
之妖祥既見其事後必有驗書之者為豫備故也視
朔者月朔之禮也登臺者至日之禮也公常以一日
視朔至日登臺但此朔即是至日故視朔而遂登臺
也注正義曰日之行天有南有北常立八尺之表以
候景之短長夏至之景尺有五寸日竅長而景最短
是謂日北至也自是以後日稍近南冬至之景一丈
三尺日竅短而景最長是謂日南至也冬至者十一
月之中氣中氣者月半之氣也月朔而已得中氣是
必前月閏閏前之月則中氣在晦閏後之月則中氣
在朔閏者衆殘餘分之月其月無中氣半屬前月半
屬後月是去年閏十二月十六日已得此年正月朔
大雪節故此正月朔得冬至也而杜長歷僖元年閏
十一月此年閏十二月又閏之相去歷家大率三十
二月耳杜於此閏相去凡五十月不與歷數同者杜

推勳春秋日月上下置閏或禘或禘自準春秋時法
故不與常閏同視朔者公既告廟受朔即聽視此朔
之政是其親告朔也禮天子曰靈臺諸侯曰觀臺釋
宮云四方而高曰臺臺上構屋可以遠觀望故謂之
觀臺也古之為閏者皆舉其大數周年有三百六十
五日四分日之一分為十二月則一月各有三十日
十六分日之七是故從前月初節至後月初節必三
十日有餘也其日月之行天也日行遲月行疾每二
十九日過半而月及日謂之一月故從朔至朔唯二
十九日過半耳計一歲則有餘十一日而不得周年
故作閏月以補之計十九年而有七閏古閏十九年
為一章以其閏餘盡故也步閏之始以朔旦冬至為
首閏之上元其年是十一月朔旦冬至至十九年閏
餘盡復得十一月朔旦冬至故以十九年為一章積
章成部積部成紀治歷者以此章部為法因此可以
明其術數推之而知氣朔也審別陰陽寒暑不失其

時也所以陳叙時事教訓下民魯君不能常脩此事
故善公之得禮也一年分為四時時皆九十餘日春
之半稱春秋之分也冬之半夏之半晝夜中分百刻故春秋之
至故冬夏之半稱冬夏至也四時之氣寒暑不同春
夏生物秋冬殺物生物則當啓殺物則當閉故立春
立夏為啓立秋為閉言物謂氣色者謂非雲而
別有氣色杜恐與雲相亂故別云氣色也周禮保章
氏以五雲之物辨吉凶水旱降豐荒之祲象鄭玄云
物色也視日旁雲氣之色降下也知水旱所下之國
鄭衆云以二至二分觀雲色青為蟲白為喪赤為兵
荒黑為水黃為豐衆之此言蓋出占候之書計雲氣
之占不啻盡此而已但世絕其學故莫能知馬左傳
諸所發凡皆是周之舊典既言禮也更復發凡是重
申周典也直言必書雲物不更云公是日官掌其職
非公所當親也劉炫規云書雲物亦是公親為之但

上文有公既視朔故下文去公字耳今刪定知不然者上言公既視朔是傳家之語下文必書雲物是周公舊凡舊凡之文包諸侯天子若諸侯稱公書雲物則天子當稱王書雲物是知舊凡元無王公之文日官掌其事若以上文有公既視朔故去公字然則周公舊凡豈豫知有公既視朔沒去公字乎苟生異見安規社

氏非也

○晉侯使以殺大子申生之故來告注釋經

必須告乃書初晉侯使士為二公子築蒲與屈不

慎寘薪焉注不謹慎音義

為于偽反下乃為同寘之鼓反疏注正義

慎所為多寘薪於中焉若今榘木

夷吾訴之公使讓之注謹讓之音

義謹

棄士為稽首而對曰疏

正義曰周禮大祝辨九拜一曰稽首二曰頓首

三曰空首鄭玄云稽首拜頭至地也頓首拜頭叩地也空首拜頭至手所謂拜手也鄭唯解此三者拜之形容所以為異也稽首頭至地頭下緩至地也頓首頭不至地暫一叩之而已尚書每稱拜手稽首者初為拜頭至手乃復叩頭以至地至手是為拜手至地乃為稽首然則凡為稽首者皆先為拜手乃成稽首故尚書拜手稽首連言之傳雖不言拜手當亦先為拜手乃為稽首稽首拜手共成一拜之禮此其為敬之極故臣於君乃然孔安國以為盡禮致敬知此是禮之極盡也大祝九拜又云四曰振動五曰吉拜六曰凶拜七曰奇拜八曰褒拜九曰肅拜鄭玄云振動戰栗變動之拜拜而後稽顙謂齊衰不杖以下者凶拜稽顙而後拜謂三年服者奇拜謂一拜答臣下拜褒拜再拜拜神與尸肅拜今時擡也介者不拜說者又以為稽首臣拜君也頓首謂敵者相拜也空首謂君答臣拜也

臣聞之無喪而感

憂必讎焉注讎猶對也無戎而城讎必保焉注保而

守之寇讎之保又何慎焉守官廢命不敬固讎之保

不忠失忠與敬何以事君詩云懷德惟寧宗子惟城

注詩大雅懷德以安則宗子之固若城疏正義曰詩

七章懷和也寧安也和其德以撫民則其國惟安矣但能以德安國則宗子之固若城君其脩

德而固宗子何城如之注言城不如固宗子三年將

尋師焉焉用慎注尋用也音義焉用於退而賦曰狐

裘危葺一國三公吾誰適從注士為自作詩也危葺

亂貌公與二公子為三言城不堅則為公子所訴為

公所讓堅之則為固讎不忠無以事君故不知所從

音義

尾莫紅反又音蒙茸如容反又音戎適從丁歷反

及難公使寺人披伐

蒲重耳曰君父之命不校乃狗曰校者吾讎也踰垣

而走披斬其祛遂出奔翟注祛袂也音義

難乃旦反披普皮反

校音教狗似浚反垣音袁祛起魚反翟音狄袂面世反

疏注正義曰禮深衣記云袂之長短反詘之

及肘喪服云袂屬幅祛尺二寸幅謂衣之身也祛屬於幅長於手反屈至肘則從幅盡於袖口總名為袂

其袂近口又別名為祛此斬其祛斬其袖之末也詩唐風羔裘傳云祛袂末鄭玄玉藻注云祛袂口也但

袂是總名得以袂表祛故云祛袂

○夏公孫茲如牟娶焉注因聘而

娶故傳實其事音義

娶七喻反本又作取

○會于首止會王大

子鄭謀寧周也注惠王以惠后故將廢大子鄭而立

王子帶故齊桓帥諸侯會王大子以定其位疏

注正義曰

二十四年傳曰不穀不德得罪于母氏之寵子帶書曰天王出居于鄭辟母弟之難也如彼傳文則襄王與子帶俱是惠后所生但其母鍾愛其少子故欲廢大子而立之周本紀云襄王母早死後母曰惠后生將帶與傳不同史記繆也七年惠王崩襄王畏子帶不敢發喪知此時有廢大子之意故齊桓帥諸侯會大子定其位

○陳轅宣仲怨鄭申侯之反已於召陵安王國也

注宣仲棘濤塗故勸之城其賜邑注齊桓所賜虎牢

曰美城之大名也子孫不忘吾助子請乃為之請於

諸侯而城之美注樓櫓之備美設音義美城之絕句櫓音魯遂

譖諸鄭伯曰美城其賜邑將以叛也申侯由是得罪

注為七年鄭殺申侯傳○秋諸侯盟王使周公召鄭

伯曰吾撫女以從楚輔之以晉可以少安注周公宰

孔也王恨齊桓定太子之位故召鄭伯使叛齊也晉

楚不服於齊故以鎮安鄭音義秋諸侯盟本或此下更有于首止三字非

女音汝

鄭伯喜於王命而懼其不朝於齊也故逃歸不

盟孔牀止之曰國君不可以輕輕則失親注孔牀鄭

大夫親黨援也音義

輕造正反下同

失親患必至病而乞盟

所喪多矣君必悔之弗聽逃其師而歸音義

喪息浪反

○

楚鬬穀於菟滅弦弦子奔黃於是江黃道栢方睦於

齊皆弦姻也注姻外親也道國在汝南安陽縣南栢

國名汝南西平縣有栢亭弦子恃之而不事楚又不

設備故亡○晉侯復假道於虞以伐虢宮之奇諫曰

號虞之表也。號亡虞必從之。晉不可啟寇不可翫。注

翫習也。音義

復扶又反。下本年經注同。

一之爲甚。其可再乎。注爲

二年假晉道滅下陽。諺所謂輔車相依。唇亡齒寒者。

其虞號之謂也。注輔頰輔車牙車音義

車尺奢反。疏注正義曰

易咸卦上九咸其輔頰舌三者並言則各爲一物。廣雅云輔頰也。則輔頰爲一釋名曰頤或曰輔車其骨

強可以輔持其口或謂牙車牙所載也或謂頰車也。衛風碩人云巧笑倩兮毛傳云好口輔也如此諸文

牙車頰車牙下骨之名也頰之與輔口旁肌之名也。蓋輔車一處分爲二名耳。輔爲外表車是內骨故云

相依也。公曰晉吾宗也豈害我哉對曰大伯虞仲大王

之昭也。大伯不從，是以不嗣。注：大伯、虞仲皆大王之

子，不從父命，俱讓適。吳仲雍支子別封西吳，虞公其

後也。穆生、昭、昭生、穆，以世次計，故大伯、虞仲於周為

昭音義

大音恭，下及注同。昭上，饒反。注同。

後昭穆做此。

號仲號叔，王季之穆

也。注：王季者，大伯、虞仲之母弟也。號仲號叔，王季之

子，文王之母弟也。仲叔皆號，君字疏。

注：正義曰，大伯、虞仲，辟季歷適。

荆蠻若有適庶，不須相辟，知其皆同母也。周本紀云：

古公有長子曰大伯，次曰虞仲，大姜生季歷。如史記之文，似王季與大伯別母。馬遷之言，疏繆耳。此言號仲號叔，王季之穆，國語稱文王敬友二號，故亦以為

文王母弟母弟之言事無所出仲叔皆文王之時號
君字也據傳云鄭滅一號晉滅一號不知誰是仲後
誰是叔後賈逵云號仲封東號制是也號叔封西號
號公是也馬融云號叔同母弟號仲異母弟號仲封
下陽號井封上陽案傳上陽下陽同是邠國之邑不
得分封二人也若二號共處鄭復安得號國而滅之
雖賈之言亦無明證
各以意解不可審知

為文王卿士勲在王室藏於盟

府注盟府司盟之官

疏

注正義曰周禮司盟掌盟載之法會同則掌其盟約之載

既盟則貳之鄭玄云貳之者寫副當以授六官唯言
會同之盟不掌勲功之事而得有二號之勲藏於盟
府者凡諸侯初受封爵必有盟誓之言檀弓云衛大
史柳莊死公與之邑襄氏與縣潘氏書而納諸棺曰
世世萬子孫毋變也其言即盟誓之辭也漢書功臣
侯表記高祖即位八載天下乃平始論功而定封侯

者一百四十三人封爵之誓曰使黃河如帶泰山若礪國以永存爰及苗裔其誓即盟之類事必有因於古明知以勲受封必有盟要其辭當藏於司盟之府也

將號是滅何愛於虞且

虞能親於桓莊乎其愛之也

疏正義曰愛之謂愛虞也虞豈能親於桓莊

乎其當愛此虞也服虔其作甚注云愛之甚當謂愛桓莊之族甚也愛之若甚何以誅之且文勢不順又改字失真桓莊之族何罪而以為戮不唯偏乎注桓

叔莊伯之族晉獻公之從祖昆弟獻公患其偏盡殺

之事在莊二十五年音義

偏彼力反疏注正義曰莊伯之

叔之族從祖昆弟也唯言從祖昆弟舉疏者而畧言耳

親以寵偏猶尚害之况

以國乎公曰吾享祀豐絜神必據我注據猶安也音

義

享與兩反

對曰臣聞之鬼神非人實親惟德是依故周

書曰皇天無親惟德是輔注周書逸書又曰黍稷非

馨明德惟馨注馨香之遠聞音義

開音問又如字

又曰民不

易物惟德繫物注黍稷牲玉無德則不見饗有德則

見饗言物一而異用音義

繫惡兮反是也

疏

正義曰皇天無親惟德是輔祭

仲之命文也黍稷非馨明德惟馨君陳文也人不易物惟德其物旅葵文也杜不見古文故以為逸書此傳與書異者其作繫師授不同字改易耳其意亦不異也民不易物者設有二人俱以物祭其祭相似不

改易此物惟有德者繫此乃是物無德而薦神所不享則此物不是物也如是則非德民

不和神不享矣神所馮依將在德矣若晉取虞而明

德以薦馨香神其吐之乎弗聽許晉使宮之奇以其

族行注行去也音義

馮皮冰反下同使所吏反

疏

正義曰晉語云宮之奇諫而不

聽出謂其子曰將亡矣吾不去懼及焉以其幣適西山韋昭云西山國西界也

曰虞不臘矣

注臘歲終祭衆神之名音義

臘力盍反

疏

正義曰月令孟冬臘門閭及先

祖五祀臘之見於傳記者唯月令與此二文而已秦本紀惠王十二年初臘始皇三十一年更改臘曰嘉

平蔡邕獨斷云臘者歲終大祭縱吏民宴飲非迎氣故但送不迎應劭風俗通云案禮夏曰嘉平殷曰清

祀周曰大蜡漢曰臘臘者獵也田獵取獸祭先祖也此言虞不臘矣明當時有臘祭周時臘與大蜡各為一祭言漢改曰臘不蜡而為臘矣

在此行也晉不更舉矣注不更舉

兵八月甲午晉侯圍上陽注上陽虢國都在弘農陝

縣東南問於卜偃曰吾其濟乎對曰克之公曰何時

對曰童謠云丙之辰龍尾伏辰注龍尾尾星也日月

之會曰辰日在尾故尾星伏不見音義謠音遙見賢遍反均

服振振取號之旂注戎事上下同服振振盛貌旂軍

之旌旗音義均如字同也字書作均音同振音真注同鶉之賁賁夫策焯

煇火中成軍號公其奔注鵝鵝火星也賁賁鳥星之

體也天策傳說星時近日星微煇煇無光耀也言丙

子平旦鵝火中軍事有成功也此已上皆童謠言也

童亂之子未有念慮之感而會成嬉戲之言似若有

馮者其言或中或否博覽之士能懼思之人兼而志

之以為將來之驗有益於世教音義

鵝述春反又常倫反賁音奔煇

他門反說音悅近附近之近上時掌反亂初問反又恥問反毀齒也嬉戲許宜反中丁仲反

其九

月十月之交乎注以星驗推之知九月十月之交謂

夏九月十月也交晦朔交會音義夏戶雅反下同丙子旦日

在尾月在策注是夜日月合朔於尾月行疾故至旦

而過在策鶉火中必是時也疏正義曰釋樂云徒歌謂之謠言無樂而空

歌其聲逍遙然也於時有童稱之子為此歌謠之辭故卜偃取以對公也夜之向明為晨日月聚會為辰

星宿不見為伏言乙日夜半之後丙日將旦之時龍尾之星伏在合辰之下當是之時軍人上下均同其

服振振然而盛旂者晉軍旂也而往取號故云取號之旂南方鶉鳥之星其體賁賁然見於南方天策之

星近日焯焯然無光耀甚微也鶉火之次正中於南方爾時其當成軍事也號公其當奔走也既引童謠

之言乃復指其時日在夏之九月十月之交乎謂九月十月晦朔之交也十月朔丙子之日平旦時日體

在尾星月在天策星鶉火正中於南方必是時克之
注正義曰東方七宿皆為蒼龍之宿其龍南首北尾
角是龍角尾即龍尾故云龍尾尾星也日月之會為
辰昭七年傳文於時日體在尾尾星與日同處共日
俱出入故常伏不見也丙之辰者說文云晨早昧爽
也謂夜將旦鶉鳴時也○周禮司服職云凡兵事韋
弁服鄭玄云韋弁以韎韋為弁又以為衣裳今時伍
伯緹衣古兵服之遺色然則在兵之服皆韋弁均服
者謂兵戎之事貴賤上下均同此服也○南方七宿
皆為朱鳥之宿其鳥西首東尾故未為鶉首午為鶉
火已為鶉尾鶉火星者謂柳星張也天策傳說星史
記天官書之文莊子云傅說得之以騎箕尾傅說殷
高宗之相死而託神於此星故名為傅說星也傅說
之星在尾之末合朔在尾故其星近日星微焯焯然
無光耀也說文云亂毀齒也男八月齒生八歲而亂
女七月齒生七歲而亂童齒亂之子未有念慮之感不

解自為文辭而羣彙集會成此嬉遊遨戲之言其言韻而有理似若有神馮之者其言或中或否不可常用博覽之士及能懼思之人兼而志之以為鑒戒以為將來之驗有益於世教故書傳時有採用之者文三年傳曰孟明之臣也其不解也能懼思也能懼思之人謂孟明之類也。以三統歷推之此夜是月小餘盡夜半合朔在尾十四度從乙夜半至平旦日行四分度之一月行三度有餘故丙子旦日在尾星月在天策鶉火之次正中也月令孟冬之月日在尾昏危中旦七星中七星則鶉火次之星也

冬十

二月丙子朔晉滅虢虢公醜奔京師注不書不告也

周十二月夏之十月師還館于虞遂襲虞滅之執虞公及其大夫井伯以媵秦穆姬注秦穆姬晉獻公女

送女曰媵以屈辱之而脩虞祀且歸其職貢於王注

虞所命祀疏

正義曰虞受王所命之祀謂天子命虞使祀其竟內山川之神也既滅其國故

代虞祭之故書曰晉人執虞公罪虞且言易也音義

易以鼓反

春秋左傳注疏卷十一

春秋左氏傳注疏卷十一考證

齊師宋師曹伯次于聶北救邢注次于聶北者案兵觀
釁以待事也○蘇轍曰先言次而後言救案兵待事
卒能救邢故以救終之也

齊師宋師曹師城邢注一事而再列三國於文不可言
諸侯師故○臣召南按傳言諸侯救邢則于文未嘗

不可云諸侯城邢也再敘三國自係褒美齊桓故詳
列之

傳夫人氏之喪至自齊注言女子有三從之義○女監
本訛作君今改正

齊侯宋公江人黃人盟於貫○東萊集解引杜注江國

在汝南安陽縣之下有黃國在弋陽縣六字

臣召南

按莊十九年傳遂伐黃杜注黃嬴姓國今弋陽縣已
有注在前不重出也

傳入自顛軫○後漢郡國志河東郡大陽有顛軫坂注

引博物記曰在縣東吳城之北今之吳坂

徐人取舒注勝國而不用大師亦曰取○孫覺曰徐人取之而不言滅者舒之宗祀復存未嘗見滅也趙子曰凡得國而不書滅者不滅其祀也臣台南按二說之中趙說為是

楚屈完來盟于師盟于召陵○陸淳曰楚未嘗與中國為會屈完之佐楚子而能從善服義得為臣之道故聖人特書族以褒之劉敞曰桓公之威可謂盛矣故不多齊之有功而多楚之服罪不貴楚之能拒敵而

貴齊之能不遂也

傳南至于穆陵北至于無棣注穆陵無棣皆齊竟也○

臣召南

按大峴山上有古穆陵關今臨朐縣東南沂

水縣東北按齊地記無棣在渤海高城縣今直隸鹽山縣南有古無棣溝

傳昭王南征而不復疏舊說皆言漢濱之人以膠膠舩故得水而壞昭王溺焉不知本出何書○臣召南按

趙汭補注曰帝王世紀昭王德哀南征濟于漢舩人

惡之以膠船進中沅膠液解王及祭公皆沒于水中也

五年春晉侯殺其世子申生既此傳不言不書日則是

舊史然也○

臣浩

按申生事傳在上年十二月戊申

經在此年春從告也舊史已然夫子承而不改

傳五年春王正月辛亥朔日南至注周正月今十一月

冬至之日日南極○趙汭補注曰傳於此年記正月

日至與雜記孟獻子之言合後昭十七年記太史與

梓慎之言二十一年記梓慎之言二十四年記昭子之言皆見周人改月改時致分至啓閉不合天正近世異議皆過也

傳一之為甚其可再乎注為二年假晉道滅下陽○臣

召南按為字訛當云謂二年假晉道滅下陽

傳虞不臘矣○趙汭補注曰按蔡邕月令章句夏曰嘉平商曰清祀周曰大蜡總謂之臘史記秦惠王初臘正義曰始效中國為之亦明臘不自秦始或轉疑傳

作于秦誤矣

傳鶉之賁賁注天策傳說星疏史記天官書之文○臣

召南

按天官書無此文當是誤記北宮之王良策馬車騎滿野耳但今天官書訛脫不可讀處頗多豈唐時有之而今已亡之耶

春秋左氏傳注疏卷十一考證

欽定四庫全書

春秋左傳注疏卷十二

起僖公六年
盡十四年

晉杜氏注

唐陸德明音義

孔穎達疏

經六年春王正月

夏公會齊侯宋公陳侯衛侯曹伯伐鄭圍新城注新城

鄭新密今滎陽密縣

秋楚人圍許注楚子不親圍以圍者告諸侯遂救許注
皆伐鄭之諸侯故不復更叙

冬公至自伐鄭注無傳疏

正義曰二十八年公會晉侯云云于溫諸侯遂圍許二十

九年公至自圍許此年會伐鄭遂救許不稱至自救許而云至自伐鄭與溫會反者擇例曰諸若此類事勢相接或以始致或以終致蓋時史之異也此事當由公至自告廟所告不同史依告而書不為義例

傳六年春晉侯使賈華伐屈夷吾不能守盟而行注

賈華晉大夫非不欲校力不能守言不如重耳之賢

將奔狄卻芮曰後出同走罪也注嬖與重耳同謀而

相隨音義

卻去逆反芮如銳反

不如之梁梁近秦而幸焉乃之

梁注以梁為秦所親幸秦既大國且穆姬在焉故欲

因以求入音義近附近

○夏諸侯伐鄭以其逃首止

之盟故也注首止盟在五年圍新密鄭所以不時城

也注實新密而經言新城者鄭以非時興土功齊桓

聲其罪以告諸侯疏正義曰密是邑名鄭人新築密邑故傳稱密經不稱圍新密言

圍新城傳云鄭所以不時城也解經言新城之意鄭

以非時築城違禮害民齊桓聲其罪以告諸侯故書

新城以新城爲鄭之罪狀劉炫云先王之制諸侯無

故不造城造城則攻其所造司馬法曰產城攻其所

猶有忿志而諸侯各罷兵故蔡將許君歸楚武城楚

地在南陽宛縣北音義

見賢遍反罷扶罵反又扶買反宛於元反

許男面

縛銜璧大夫衰經士輿櫬注縛手於後唯見其面以

璧爲質手縛故銜之櫬棺也將受死故衰經音義

衰七

雷反注同櫬於覲反棺也爲質如字一音置本又作贅音至縛如字舊扶卧反

楚子問諸逢

伯注逢伯楚大夫對曰昔武王克殷微子啓如是注

微子啓紂庶兄宋之祖也疏

正義曰案宋世家云微子開者殷帝乙之首子

而帝紂之庶兄周武王克殷微子乃持其祭罷造於軍門肉袒面縛左牽羊右把茅膝行而前以告於是

武王乃釋微子復其位成王誅武庚子乃命微子代殷之後國於宋史記之言多有錯繆微子手縛於後故以口銜璧又馬得牽羊把茅也此皆馬遷之妄也

武王親釋其縛受其璧而

祓之注祓除凶之禮音義

祓芳弗反又音廢說文云除惡之祭也

䟽義正

曰周禮女巫掌歲時祓除謂之祓除明是除凶之禮也襄二十九年稱公臨喪使巫以桃茷先祓殯此亦當以桃茷祓之焚其櫬禮而命之使復其所楚子從之

經七年春齊人伐鄭

夏小邾子來朝注無傳鄭犂來始得王命而來朝也邾

之別封故曰小邾

鄭殺其大夫申侯注申侯鄭卿專利而不厭故稱名以

殺罪之也例在文六年音義厭於鹽反傳同

秋七月公會齊侯宋公陳世子款鄭世子華盟于甯母

注高平方與縣東有泥母亭音如甯音義母如字又音無注同方音

房與音預泥乃麗反又音甯王奴兮反

曹伯班卒注無傳五年同盟于首止

公子友如齊注無傳罷盟而聘謝不敏也

冬葬曹昭公注無傳

傳七年春齊人伐鄭孔叔言於鄭伯曰諺有之曰心

則不競何憚於病注競強也憚難也音義

憚徒旦反難乃旦反

下及八年經傳竝同

疏正義曰競強也言心則不能強盛則當須屈服於人何得難於屈弱之病而不

下齊既不能彊又不能弱所以斃也國危矣請下齊以

救國音義

下戶嫁反

公曰吾知其所由來矣疏

正義曰孔叔既請鄭

伯下齊公初欲下齊不知何事而來得說於齊後更云吾知其說齊所由來矣謂由殺申侯說齊之事得

來矣姑少待我注欲以申侯說對曰朝不及夕何以待

君音義

朝如字

○夏鄭殺申侯以說于齊且用陳轅濤

塗之譖也注濤塗譖在五年初申侯申出也注姊妹

之子爲出有寵於楚文王文王將死與之璧使行曰

唯我知女女專利而不厭予取予求不女疵瑕也注

從我取從我求不以女爲罪釁音義

女音汝下皆同疵似斯反又疾

移反釁許靳反下文同

後之人將求多於女注謂嗣君也求多

以禮義大望責之女必不免我死女必速行無適小

國將不女容焉注政狹法峻音義

狹音洽

既葬出奔鄭

又有寵於厲公子文聞其死也曰古人有言曰知臣

莫若君弗可改也已○秋盟于甯母謀鄭故也管仲
言於齊侯曰臣聞之招攜以禮懷遠以德注攜離也
德禮不易無人不懷齊侯脩禮於諸侯諸侯官受方

物注諸侯官司各於齊受其方所當貢天子之物疏

正義曰周禮大行人云侯服貢祀物甸服貢嬪物男
服貢器物采服貢服物衛服貢材物要服貢貨物鄭
玄云祀貢者犧牲之屬嬪物絲枲也器物尊彝之屬
服物玄纁締纊也材物八材也貨物龜貝也如彼禮
文諸侯所貢之物皆以服數為差尚書禹貢任土作
貢皆貢土地所生不計路之遠近然則周禮雖依服
數亦貢土地所生不宜遠求他方之物以貢王也王
室盛明之時每國貢有常職天子既衰諸侯惰慢貢

賦之事無復定準故霸主總帥諸侯尊崇天子量其國之大小號令所出之物傳言諸侯各使官司取齊約束受其方所當貢天子之物言其一聽齊令美齊侯能以禮服諸侯

鄭伯使大子華

聽命於會言於齊侯曰洩氏孔氏子人氏三族實違

君命注三族鄭大夫音義

洩息列反

若君去之以爲成我

以鄭爲內臣君亦無所不利焉注以鄭事齊如封內

臣音義

去起呂反

齊侯將許之管仲曰君以禮與信屬諸

侯而以姦終之無乃不可乎子父不奸之謂禮守命

共時之謂信注守君命共時事音義

奸音干共音恭注同

違此

二者姦莫大焉公曰諸侯有討於鄭未捷今苟有釁

從之不亦可乎注子華犯父命是其釁隙音義隙去逆反

對曰君若綏之以德加之以訓辭而帥諸侯以討鄭

鄭將覆亡之不暇豈敢不懼若總其罪人以臨之注

總將領也子華奸父之命卽罪人音義覆芳服反鄭有辭

矣何懼注以大義爲辭且夫合諸侯以崇德也會而

列姦何以示後嗣注列姦用子華疏正義曰經書齊侯宋公陳世子

款鄭世子華盟于甯母則已列於會矣管仲方云會而列姦何以示後嗣者桓公列之於會直是列其身

耳管仲言列姦者謂將用其姦謀故杜云列姦用子華也不受子華之請卽是會不列姦他國無事可記齊史無所不隱故下句言他國記姦則廢君盟齊史隱誨則損盛德也夫諸侯之會其

德刑禮義無國不記記姦之位注位會位也子華爲

姦人而列在會位將爲諸侯所記君盟替矣注替廢

也音義替他計反作而不記非盛德也注君舉必書雖復

齊史隱諱亦損盛德音義復扶又反君其勿許鄭必受盟

夫子華旣爲天子而求介於大國以弱其國亦必不

免注介因也音義介音界鄭有叔詹堵叔師叔三良爲

政未可問也齊侯辭焉子華由是得罪於鄭冬鄭伯

使請盟于齊注以齊侯不聽子華故音義

堵丁古反又音者間

問廁之間

○閏月惠王崩襄王惡大叔帶之難注襄王惠

王大子鄭也大叔帶襄王弟惠后之子也有寵於惠

后惠后欲立之未及而卒音義

惡鳥路反大音泰叔又作州

懼不

立不發喪而告難于齊注爲八年盟洮傳音義

洮他刀反

經八年春王正月公會王人齊侯宋公衛侯許男曹伯

陳世子款盟于洮注王人與諸侯盟不譏者王室有難

故洮曹地音義

洮他刀反

疏

正義曰公羊傳曰王人微者曷為序乎諸侯之上先王命也穀

梁傳曰王人之先諸侯何也貴王命也弁冕雖舊必加於首周室雖衰必先諸侯釋例以為中士稱名下士稱人此言王人是天子之下士也諸侯相與為盟所以同獎王室天子之臣不與諸侯同盟釋例曰未有臣而盟者臣而盟君是子可盟父故春秋王世子以下會諸侯者皆同會而不同盟是言王臣正法不與諸侯盟也二十八年踐土之盟傳稱王子虎盟諸侯于王庭杜云王子虎臨盟不同軟故不書宣七年傳曰諸侯盟于黑壤王叔桓公臨之以謀不睦杜云王叔桓公銜天子之命以監臨諸侯不同軟尊卑之別也哀十三年傳曰公會單平公晉定公吳夫差于黃差杜云平公周卿士也不書尊之不與會此三者王臣皆不與盟是其正法然也若天子初立王室不安命臣使結盟諸侯以安王室雖非正法事勢宜然既無褒美又無貶責此王人與諸侯

盟不譏者王室有難王勅使來盟故也文十年及蕪子
盟于女栗傳曰頃王立故也襄三年公會單子晉侯云
云盟于雞澤杜云周靈王新卽位使王官伯出與諸侯
盟以安王室皆事與此同以情義可許故都無貶書二
十九年翟泉之盟於時諸侯新睦王室無虞而王子虎
下盟列國以饋大典故貶稱王人是依禮不合故據法
貶之春秋王臣與諸侯會盟凡
十有餘事譏與不譏皆從此例
鄭伯乞盟注新服未與
會故不序列別言乞盟音義
與音預
疏正義曰鄭伯往
心猶未服齊桓拒子華之請故今始服從齊桓以其新
服尚未與之會故不序列而別言乞盟止言乞盟不知
與盟以否傳稱鄭伯乞盟請服也既言請服義無不受
當是既盟之後而別與之盟諸言乞師皆乞得其師知
此乞盟亦乞得其盟但盟
理可見不復別言盟耳

夏狄伐晉

秋七月禘于大廟用致夫人注禘三年大祭之名大廟

周公廟致者致新死之主於廟而列之昭穆夫人淫而

與殺不薨於寢於禮不應致故僖公疑其禮歷三禘今

果行之嫌異常故書之音義

大音泰殺音試

疏

正義曰釋天云禘大祭也言其

大於四時之祭故為三年大祭之名言每積三年而一為此祭也大廟廟之大者故為周公廟釋例曰三年喪畢致新死之主以進於廟廟之遠主當遷入祧於是乃大祭於大廟以審定昭穆謂之禘是說致者致新死之主於廟而列之昭穆也此致致哀姜也哀姜薨已多年非復新死而於今始致者傳發凡例夫人不薨於寢則

不致哀姜例不應致故僖公疑其禮喪畢之日不作禘祭之禮以致之既不為哀姜作喪畢禘祭其禘自從閔公數之二年除閔喪為禘至五年復禘今八年復禘姜死以來已歷三禘今因禘祭果復行之三年一禘禘自是常不為夫人禘祭因禘而致夫人嫌其異於常禮故史官書之若其不致夫人則此禘得常不書為用致夫人而書之耳

冬十有二月丁未天王崩注實以前年閏月崩以今年十二月丁未告

傳八年春盟於洮謀王室也鄭伯乞盟請服也襄王定位而後發喪注王人會洮還而後王定位○晉里

克帥師梁由靡御號射爲右以敗狄于采桑注傳言

前年事也平陽北屈縣西南有采桑津音義

射食亦反

梁

由靡曰狄無恥從之必大克注不恥走故可逐里克

曰懼之而已無速衆狄注恐怨深而羣黨來報號射

曰期年狄必至示之弱矣音義

期音基本或作暮注同

○夏狄

伐晉報采桑之役也復期月注明期年之言驗○秋

禘而致哀姜焉非禮也凡夫人不薨于寢不殯于廟

不赴于同不祔于姑則弗致也注寢小寢同同盟將

葬又不以殯過廟據經哀姜薨葬之文則為殯廟赴

同祔姑今當以不薨于寢不得致也音義附音疏正義

曰夫人薨葬之禮有赴同祔姑反哭三事而已此說致之禮加以薨寢殯廟而不言反哭者蓋以致於廟者終始成其尊死生之禮畢不薨於寢死不得其所也不殯於廟葬之不以禮也死葬非禮則先神耻之故不具四事皆不合致反哭者直為書葬以否假使不書其葬夫人之禮亦成自是生者之可譏非為死者之有失雖不反哭亦得致之故於此不言反哭也注正義曰喪大記云男子不死於婦人之手婦人不死於男子之手君夫人卒於路寢既言婦人不死於男子之手必不得死於君之路寢言夫人卒於路寢謂卒於夫人之大寢對君路寢為小故云小寢也同者同盟之國也檀弓曰喪之朝也順死者之孝心也

其哀離其室也故至於祖考之廟而後行殷朝而殯於祖周朝而遂葬士喪禮朝而遂葬與記正同知周法不殯于廟而此傳及襄四年皆云不殯于廟以爲失禮知其將葬之時不以殯過廟耳殯過廟者將葬之時從殯官出告廟乃葬非是殯尸於廟中也據經哀姜薨葬之文知其赴同祔姑可矣亦知其殯于廟者以元年十二月喪至二年五月始葬明至則殯于寢也既殯於寢自然葬當朝廟故據葬文亦知殯廟唯當以不薨于寢不得致耳

○冬王人來告喪難故也是以緩注

有大叔帶之難○宋公疾大子茲父固請曰目夷長

且仁君其立之注茲父襄公也目夷茲父庶兄子魚

也音義

丁父音甫長
反

公命子魚子魚辭曰能以國讓仁

孰大焉臣不及也且又不順注立庶不順禮遂走而

退

經九年春王三月丁丑宋公御說卒注四同盟音義

御魚

呂反說音悅

疏

正義曰御說以莊十三年即位十六年盟于幽僖元年于榿

四年于台陵五年于首止七年于甯母八年于洮皆魯宋俱在是爲八同盟不數莊公之盟榿盟經不書亦不數故云四同盟劉君乃數莊公之盟又不數召陵以爲六同盟而規杜非也

夏公會宰周公齊侯宋子衛侯鄭伯許男曹伯于葵丘

注周公宰孔也宰官周采地天子三公不字宋子襄公

也傳例曰在喪公侯曰子陳留外黃縣東有蔡丘疏正義

曰傳稱王使宰孔賜齊侯胙知周公卽宰孔也其官爲大宰采地名爲周天子三公故稱公孔則其名也穀梁傳曰天子之宰通於四海其意言宰者六官之長官名通於海內是故書其官名也通於四海者當謂大宰之長官耳其屬官不應得通而宰咺宰渠伯糾則必非長官亦稱爲宰者蓋自宰夫以上皆通也釋例曰今案春秋以考之其稱公者皆三公非五等之公也是言祭公周公皆三公也釋例又曰王之公卿皆書爵則卿亦不稱字杜云三公不字者以入春秋以來家父南季皆大夫稱字宰周公又承其後故云不字不於祭公逆王后注者因歷序諸國而言之莊八年傳曰連稱管至父戍蔡丘杜云齊地臨淄縣西有地名蔡丘與彼異者傳稱齊侯不務德而勤遠略西為此會則此地遠處齊西不得近在臨淄故釋例以爲宋地陳留外黃縣東有蔡丘或

曰河東汾陰縣爲葵丘非也經書夏會葵丘九月乃盟晉爲地主無緣欲會而不及盟也是說不同之意

秋七月乙酉伯姬卒注無傳公羊穀梁曰未適人故不

稱國已許嫁則以成人之禮書不復殤也婦人許嫁而

笄猶丈夫之冠音義

復扶又反殤式羊反笄古今反冠古喚反疏正義曰公

未適人何以卒許嫁矣婦人許嫁字而笄之死則以成人之喪治之穀梁傳意亦與之同嫁於大夫死不書卒此許嫁者嫁於國君也但未往彼國不成彼國之婦故不稱國也喪服小記曰男子冠而婦人笄其義一也是許嫁而笄猶丈夫之冠也禮男子冠而不爲殤婦人笄而不爲殤故以成人之喪治之爲之服成人之服禮姊妹在室期出嫁大功檀弓曰姊妹之薄也蓋有受我而厚之者爲夫厚之故我降之也曾子問云取女有吉

日而女死如之何孔子曰壻齊衰而弔既葬而除之其夫不為服則兄弟不為降禮諸侯絕旁期此為將嫁於諸侯故書其卒既書其卒當服其本服為之齊衰期也但於時服否不可知耳

九月戊辰諸侯盟于葵丘注夏會葵丘次伯姬卒文不

相比故重言諸侯宰孔先歸不與盟音義比毗志反重直用反與音

預正義曰平丘會後即盟不言諸侯為間無異事故疏也此亦會後為盟間有伯姬卒盟會文不相比故

重言諸侯又傳稱宰孔先歸則宰孔不盟杜云宰孔先歸不與盟者欲見縱無伯姬之卒亦當重言諸侯

甲子晉侯佹諸卒注未同盟而赴以名甲子九月十一

日戊辰十五日也書在盟後從赴音義佹九反疏正義曰甲子在

戊辰之前而書在盟後從赴從赴者赴在盟後也春秋
之世史失其守赴告之文多違禮制記諸侯之薨當具
以薨之月日告於鄰國隱三年傳曰壬戌平王崩赴以
庚戌故書之是赴者妄稱日也襄二十八年傳曰王人
來告喪問崩日以甲寅告故書之是元赴不以日被問
乃稱日也文十四年傳曰七月乙卯夜齊商人弑舍齊
人定懿公使來告難故書以九月是赴者不言死月魯
史不復審問即書以來告之月也此甲子晉侯卒蓋赴
以日而不知甲子是不復審問書其來告之日唯稱甲
子而已不知甲子是何月之日故在戊辰後也若赴以
九月告魯魯史當推其日之先後不得甲
子在戊辰後也明告不以月故書其日耳

冬晉里克殺其君之子奚齊注獻公未葬奚齊未成君

故稱君之子奚齊受命繼位無罪故里克稱名音義

殺如

字傳同公
羊音試

傳九年春宋桓公卒未葬而襄公會諸侯故曰子凡
在喪王曰小童公侯曰子注在喪未葬也小童者童
蒙幼穉之稱子者繼父之辭公侯位尊上連王者下
絕伯子男周康王在喪稱予一人釗禮稱亦不言小
童或所稱之辭各有所施此謂王自稱之辭非諸下
所得書故經無其事傳通取舊典之文以事相接音

義

稱尺證反釗古
堯反又音昭

疏

正義曰既言桓公未葬即發在
喪之例知其在此喪謂未葬也童

者未冠之名童而又小故爲童蒙幼穉之稱易蒙卦
云匪我求童蒙童蒙求我蒙謂闇昧也幼童於事多
闇昧是以謂之童蒙馬曲禮曰夫人自稱於其君曰
小童鄭玄云小童若云未成人也王崩未葬嗣王自
稱亦言己未成人也子者對父之名故云繼父之辭
以未成君故繫於父不忍絕之稱也諸侯爵有五等
唯言公侯曰子以公侯尊也傳稱在禮卿不會公侯
會伯子男可也又子產云鄭伯男也使從公侯之貢
懼弗給也是公侯之尊絕於伯子男也此既言王卽
云公侯是其與王相連特爲公侯立稱伯子男不得
同之也春秋無伯子男在喪之事既不爲立稱又不
得成君不知其當何所稱也然按桓十一年鄭忽出
奔衛莊二十四年曹羈出奔陳杜云先君既葬不稱
爵者國人賤之以名赴則既葬稱爵未葬稱名也周
康王在喪稱子一人釗尚書康王之誥也曲禮云君
天下者曰天子朝諸侯分職授政曰余一人天子未

除喪曰余小子是禮天子自稱亦不言小童也此言
王曰小童必有稱之時或所稱之辭各有所施但不
知施何處耳如曲禮之文天子未除喪曰余小子則
是未得稱一人而康王在喪稱予一人釗者當以諸
侯列土之君將欲各歸其國故正其成君之稱以答
諸侯也此小童者王謙自稱之辭非諸下所得書故
經無其事其公侯曰子乃是史書之文二者非相類
之事而并爲一凡是傳邇取舊典之文以事相類接
耳非言小童是策書之例也釋例郊雩烝嘗例不云
地祇及禘祠者經無其事故傳略而不言此王者小
童亦經無其事所以言之者郊雩例多故經無者略
之此王曰小童與公侯相接其文簡約經雖無事亦
連而言之釋例曰位彌高者事彌重慮周於經遠
故儀制異於凡人存其實篤其志足以敬親疎之情
通萬事之理而已故諸列國之君在喪或不得已而
脩會盟之事唯公侯特稱子以別尊卑是言獨爲公

侯立稱之意春秋公侯稱子皆是其父未葬唯二十
五年公會衛子莒慶盟于洮於時衛文公已葬而成
公稱子釋例曰衛文公欲平莒於魯未終而薨故衛
子尋父之志魯人由此亦脩文公之好此孝子之至
感人情之所篤故成公雖已免喪至於此盟降從在
喪之名故經隨而書子傳從而釋之云脩文公之好

也
○夏會于葵丘尋盟且脩好禮也音義好呼報反下于好并

注同 王使宰孔賜齊侯胙注胙祭肉尊之比二王後音

義胙才反素反 疏正義曰傳稱天子祭于曲沃歸胙于公此天子有事於文武賜齊侯以胙知胙是祭

肉也周禮大宗伯以脰膾之禮親兄弟之國鄭玄云
脰膾社稷宗廟之肉以賜同姓之國同福祿也脰膾
卽胙肉也言親兄弟之國則異姓不合賜也二十四
年傳曰宋先代之後也於周爲客天子有事膾焉是

言二王之後禮合得之今賜齊侯是尊之比二王後也

曰天子有事於文武注

有祭事也使孔賜伯舅胙注天子謂異姓諸侯曰伯

舅疏

正義曰曲禮曰五官之長曰伯天子同姓謂之伯父異姓謂之伯舅鄭玄云謂為三公者周禮

九命作伯齊桓是九命之伯故以伯舅呼之

齊侯將下拜孔曰且有後命

天子使孔曰以伯舅耄老加勞賜一級無下拜注七

十曰耄級等也音義

耄田節反一音他結反勞力報反級音急

疏

正義曰釋言云

耄老也舍人云年六十稱也郭璞云八十為耄釋名云八十曰耄耄鐵也皮黑如鐵彼說或云六十或云八十杜云七十曰耄耄者耄之年齒既無明文曲禮云七十曰老爾雅以耄為老故以為七十曲禮升階之

法云涉級聚足是級爲等也法
當下拜賜之勿下是進一級

對曰天威不遠顏咫尺

尺注言天鑒察不遠威嚴常在顏面之前八寸曰咫

音義

尺之

反

疏正義曰顏謂額也揚雄方言云顏額謂
額也中夏謂之額東齊謂之顙河顙淮

泗之間謂之顙魯語云肅慎氏貢楛矢長尺有咫賈
逵亦云八寸曰咫說文云周制寸尺咫尋皆以人之
體爲法中婦人手長八寸謂之咫周尺也

小白余敢貪天子之命無下拜

注小白齊侯名余身也

疏

正義曰諸自稱余者當稱
名之處耳齊侯既稱小白

而復言余故解之余身釋詁文舍人曰余卑謙之身
也孫炎曰余舒遲之身也郭璞曰今人亦自呼爲身

恐隕越于下注隕越顛墜也據天王居上故言恐顛

墜于下音義

墜直類及下同

以遺天子羞敢不下拜下拜登

受注自堂下受胙於堂上音義

遺于季反

䟽正義曰觀禮天子賜侯氏

以車服諸公奉篚服加命書于其上自西階東面大史氏右侯氏升西面立大史述命侯氏降兩階之

間北面再拜稽首升成拜彼侯氏降階再拜是此下拜也升成拜是此登受

○秋齊侯盟

諸侯于葵丘曰凡我同盟之人既盟之後言歸于好

注義取脩好故傳顯其盟辭宰孔先歸注既會先諸

侯去音義

先諸侯悉薦反

遇晉侯曰可無會也注晉侯欲求

會葵丘齊侯不務德而勤遠略故北伐山戎注在莊

三十一年南伐楚注在四年西爲此會也東略之不

知西則否矣注言或向東必不能復西略音義

復扶又反

下不復會同

其在亂乎君務靖亂無勤於行注在存也微

戒獻公言晉將有亂晉侯乃還注不復會齊○九月

晉獻公卒里克平鄭欲納文公故以三公子之徒作

亂注平鄭晉大夫三公子申生重耳夷吾音義

平普悲反

初獻公使荀息傅奚齊公疾召之曰以是藐諸孤注

言其幼賤與諸子縣藐音義

藐妙小反又亡角反縣音玄

䟽

正義曰藐

者縣遠之言諸子之年皆長而奚齊獨幼是小大相藐也藐諸孤者言年既幼穉縣藐於諸子之孤辱

在大夫其若之何注欲屈辱荀息使保護之稽首而

對曰臣竭其股肱之力加之以忠貞其濟君之靈也

不濟則以死繼之公曰何謂忠貞對曰公家之利知

無不爲忠也送往事居耦俱無猜貞也注往死者居

生者耦兩也送死事生兩無猜恨所謂正也音義猜七

才反及里克將殺奚齊先告荀息曰三怨將作注三

公子之徒秦晉輔之子將何如荀息曰將死之里克

曰無益也荀叔曰吾與先君言矣不可以貳能欲復

言而愛身乎注荀叔荀息也復言言可復也疏

正義曰意

能欲使前言可反復而行
之得愛惜身命不死乎

雖無益也將焉辟之且人

之欲善誰不如我我欲無貳而能謂人已乎注言不

能止里克使不忠於申生等音義

焉於虔反下文
馬能克同

○冬

十月里克殺奚齊于次注次喪寢書曰殺其君之子

未葬也荀息將死之人曰不如立卓子而輔之荀息

立公子卓以葬十一月里克殺公子卓于朝荀息死

之君子曰詩所謂白圭之玷尚可磨也斯言之玷不

可爲也注詩大雅言此言之缺難治甚於白圭音義

玷丁輦反又
丁念反缺也

荀息有焉注有此詩人重言之義○齊

侯以諸侯之師伐晉及高粱而還討晉亂也注高粱

晉地在平陽縣西南今不及魯故不書注前已發不

書例今復重發嫌霸者異於凡諸侯音義

令力政反
本又作命

復扶又反
重直用反

○晉卻芮使夷吾重賂秦以求入注卻芮

卻克祖父從夷吾者音義

從才
用反

曰人實有國我何愛

焉注言國非已之有何愛而不以賂秦入而能民土

於何有從之注能得民不患無土齊隰朋帥師會秦

師納晉惠公注隰朋齊大夫惠公夷吾音義秦隰音習

伯謂卻芮曰公子誰恃對曰臣聞亡人無黨有黨必

有讎注言夷吾無黨無黨則無讎易出易入以微勸

秦音義易竝以疏正義曰秦伯問公子誰恃問公子

言夷吾無黨無讎者由無黨故往前易出無讎故此時易入言易出易入以微勸秦使納之夷吾

弱不好弄注弄戲也音義好呼能鬪不過注有節制

長亦不改不識其他公謂公孫枝曰夷吾其定乎注

公孫枝秦大夫子桑也音義

長丁丈反

對曰臣聞之唯則

定國詩曰不識不知順帝之則文王之謂也注詩大

雅帝天也則法也言文王闇行自然合天之法又曰

不僭不賊鮮不爲則注僭過差也賊傷害也皆忌克

也能不然則可爲人法則音義

僭子念反下注同鮮息淺反

無好

無惡不忌不克之謂也今其言多忌克注既僭而賊

音義

好呼報反又如字惡烏路反

難哉注言能自定難公曰忌則

多怨又焉能克是吾利也注其言雖多忌適足以自

害不能勝人也秦伯慮其還害已故曰是吾利疏正義正

曰唯身有則者乃能定國也詩美文王之德不記識
古事不學知今事常順天之法則而行之爲此行者
文王之謂也又曰人行不僭差不賊害能如此者少
不爲人所法則言必爲人所法則也此二詩所云者
無所偏好無所私惡不爲忌差不好勝人之謂也今
其此夷吾之言多有所忌多欲陵人以此而求安定
難哉今其言多忌克覆上不忌不克上既有無好無
惡不覆之者以身行忌克則有私好私惡之心舉忌
克足以包好惡也公曰多忌於人則多爲人怨又焉
能勝人此乃是吾之利也無好無惡言文王之行也
不忌不克述抑篇之義也引二詩於前以此言結之
注正義曰詩大雅皇矣之篇也則法釋詁文彼鄭箋

云其爲人不識古不知今順天之法而行之是言闇行自然合天地之法也禮記稱天無私覆地無私戴合天地法者卽無偏好無私惡之謂也○正義曰詩大雅抑之篇也彼毛傳云僭差也鄭玄云不殘賊是賊爲害也心有所忌則多過差志在陵人必多爲賊害下云不忌不克覆述此文故言僭賊者皆忌克也○正義曰心忌前人則人亦忌已志在陵人則人亦陵已若使人皆忌之人皆陵之是適足以自害不能勝人也秦伯聞其忌克慮其還來○宋襄公卽位以害已故以不能勝人爲是吾利也

公子目夷爲仁使爲左師以聽政於是宋治故魚氏

世爲左師音義

治直
史氏

經十年春王正月公如齊注無傳

狄滅溫溫子奔衛注蓋中國之狄滅而居其土地

晉里克弑其君卓及其大夫荀息注弑卓在前年而以

今春書者從赴也獻公既葬卓以免喪故稱君也荀息

稱名者雖欲復言本無遠謀從君於昏

疏正義曰傳於前年甚詳經

以今年書之明赴以今年弑也傳稱立公子卓以葬是
免喪始死故稱君也文七年宋人殺其大夫傳曰不稱
名衆也且言非其罪也死者不稱名非其罪故知稱名
者皆有罪也荀息稱名者不知奚齊卓子之不可立又
不能誅里克以存君是其雖欲復言本無遠謀也襄十
九年齊殺其大夫高厚傳稱從君於昏獻公惑於驪姬
殺適立庶荀息知其事而爲
之傳奚齊是其從君於昏也

夏齊侯許男伐北戎注無傳北戎山戎

晉殺其大夫里克注奚齊者先君所命卓子又以在國

嗣位罪未爲無道而里克親爲三怨之主累弑二君故

稱名以罪之疏

正義曰宣四年傳例曰弑君稱君君無道也稱臣臣之罪也里克殺奚齊弑卓

子皆書里克之名是奚齊與卓子朱爲無道也殺大夫傳言不稱名者爲無罪則稱名爲有罪故今稱里克之名以罪之

秋七月

冬大雨雪注無傳平地尺爲大雪音義

雨于付反

傳十年春秋滅溫蘇子無信也蘇子叛王卽狄又不
能于狄狄人伐之王不救故滅蘇子奔衛注蘇子周

司寇蘇公之後也國于溫故曰溫子叛王事在莊十

九年疏

正義曰尚書立政云司寇蘇公成十一年傳曰昔周克商蘇忿生以溫爲司寇以此知蘇

子司寇蘇公之後也國名爲蕪所都之邑名爲溫故溫蕪遞見於經是得兩稱故也

○夏四月

周公忌父王子黨會齊隰朋立晉侯注周公忌父周

卿士王子黨周大夫晉侯殺里克以說注自解說不

篡音義

篡初患反

將殺里克公使謂之曰微子則不及此

雖然子弑二君與一大夫為子君者不亦難乎對曰
不有廢也君何以興欲加之罪其無辭乎注言欲加

已罪不患無辭

疏

正義曰言君今欲加之罪其畏無辭以罪臣乎言必加便有辭耳

臣聞命矣伏劍而死於是平鄭聘于秦且謝緩賂故
不及注平鄭里克黨以在秦故不及里克俱死○晉

侯改葬共大子注共大子申生也音義

共音恭本亦作恭大音恭

秋狐突適下國注下國曲沃新城

疏

正義曰曲沃邑也而稱國者晉

昭侯嘗以此邑封桓叔桓叔國之三世武公始并晉國遷居而就之此曲沃晉之舊國故謂之為下國也

遇大子大子使登僕注忽如夢而相見狐突本爲申

生御故復使登車爲僕音義復扶又反下而告之曰

夷吾無禮疏正義曰賈逵云烝於獻公夫人賈君故曰無禮馬融云申生不自明而死夷吾

改葬之章父之過故曰無禮杜不爲注當以鬼神之意難得而知夷吾無禮或非一事不可指言故不說

也余得請於帝矣注請罰夷吾將以晉畀秦秦將祀

余對曰臣聞之神不歆非類民不祀非族疏正義曰傳稱非

我族類其心必異則族類一也皆謂非其子孫妄祀他人父祖則鬼神不歆享之耳祭法云聖王之制祭

祀也法施於民則祀之以死勤事則祀之以勞定國則祀之能禦大菑則祀之能捍大患則祀之若農棄

為稷后土為社社稷功被天下乃令率土報功如此
之徒非獨歆已之族若功不被於下民名不載於祀
典唯其子孫祀之神亦不歆他族然則秦非晉類而
使祀申生祀之大失也晉無罪而滅以畀秦刑之濫
也夫豈不達此事而待狐突之言方改圖者民之與
神不相雜擾雖理有大歸非曲為小惠豈有一人究
枉即能訴天天受人訴辭便將滅國此事本是妖夢
假託上天非天實為之人能改易傳言鬼神所馮有
時而信非言此事實是天心不可執其言而以人事為難也

君祀無乃殄乎注歆

饗也殄絕也音義

昇必利反下注同歆許金反

且民何罪失刑乏

祀君其圖之君曰諾吾將復請七日新城西偏將有

巫者而見我焉注新城曲沃也將因巫而見音義

匹偏

繇正義曰申生謂狐突云更經七日於新城西偏
反將有巫者而與之俱見我焉故杜云將因巫而

見許之遂不見注狐突許其言申生之象亦沒音義

見賢通反及期而往告之曰帝許我罰有罪矣敝於
又如字

韓注敝敗也韓晉地獨敝惠公故言罰有罪明不復
以晉界秦夷吾忌克多怨終於失國雖改葬加謚申

生猶忿傳言鬼神所馮有時而信音義馮皮疏正義

語云惠公即位出共世子而改葬之臭徹於外國人
誦之曰貞之無報孰是人斯而有是臭也貞為不聽
信為不誠不更厥正大命其傾倚兮違兮心之哀兮
歲之二七其靡有微兮郭偃曰甚哉善之難也君改

葬共君以爲祭也而惡滋章十四年君之冢嗣其替乎亦是申生猶念之事 平鄭之如秦

也言於秦伯曰呂甥卻稱冀芮實爲不從若重問以

召之注三子晉大夫不從不與秦賂問聘問之幣音

義

稱尺證反又如字

䟽

正義曰曲禮云凡以弓劍苞苴箠筭筭問人者鄭玄云問猶遺也重問謂多

以財貨遺之也下云幣重而言甘故云問聘問之幣也

臣出晉君君納重耳蔑

不濟矣注蔑無也○冬秦伯使泠至報問且召三子

注泠至秦大夫音義

泠力丁反

卻芮曰幣重而言甘誘我

也遂殺平鄭祁舉注祁舉晉大夫及七輿大夫注侯

伯七命副車七乘音義

乘繩

疏

正義曰周禮大行人云侯伯七命貳車七

乘貳卽副也每車一大夫主之謂之七輿大夫服虔云上軍之輿帥七人屬申生者襄二十三年下軍輿帥七人往前申生將上軍今七輿大夫爲申生報怨藥盈將下軍故七輿大夫與藥氏炫謂服言是左

行共華右行賈華叔堅騅欹纍虎特宮山祁皆里平

之黨也注七子七輿大夫音義

行戶剛反下同共音恭騅音佳欹音市專

反纍力追反祁巨之反字林上尸反

平豹奔秦注平豹平鄭之子言於

秦伯曰晉侯背大主而忌小怨民弗與也伐之必出

注大主秦也小怨里平音義

背音佩

公曰失衆焉能殺

注謂殺里平之黨音義

馮於

違禍誰能出君注謂豹

辟禍也爲明年晉殺平鄭傳

經十有一年春晉殺其大夫平鄭父注以私怨謀亂國

書名罪之書春從告

夏公及夫人姜氏會齊侯于陽穀注無傳婦人送迎不

出門見兄弟不踰闕與公俱會齊侯非禮音義

闕音域門限也

一音况

域反

秋八月大雩注無傳過時故書

冬楚人伐黃

傳十一年春晉侯使以平鄭之亂來告注釋經書在

今年○天王使召武公內史過賜晉侯命注天王周

襄王召武公周卿士內史過周大夫諸侯卽位天子

賜之命圭為瑞音義

過古禾反

受王惰過歸告王曰晉侯

其無後乎王賜之命而惰於受瑞先自棄也已而何

繼之有禮國之幹也敬禮之輿也不敬則禮不行禮

不行則上下昏何以長世注為惠公不終張本音義

情徒卧反長直**疏**正義曰召武公亦名過周語云襄
良反又丁丈反王使召公過及內史過賜晉惠公

命晉侯執玉卑拜不稽首內史過歸以告王曰晉不
亡其君必無後不敬王命棄其禮也執玉卑替其質

也拜不稽首誣其王也替質無鎮誣王無人晉侯誣
王人亦將誣之欲替其鎮人亦將替之其言多而小

異孔晁云左丘明集其典雅令辭與經相發明者以
爲春秋傳其高論善言別爲國語凡左傳國語有事

同而辭異者以其詳於左傳而略於國語詳於國語而略於左傳
○夏揚拒泉臯伊

雒之戎同伐京師入王城焚東門注揚拒泉臯皆戎

邑及諸雜戎居伊水雒水之間者今伊闕北有泉亭

音義

拒俱字反
疏正義曰釋例曰諸雜戎居伊水雒
水之間者河南雒陽縣西南有戎

城伊水出上雒盧氏縣熊耳山東北至河南雒陽縣
入雒雒水出上雒縣冢領山東北經弘農至河南鞏
縣入

王子帶召之也注王子帶甘昭公也召戎欲因
以篡位秦晉伐戎以救周秋晉侯平戎于王注爲二
十四年天王出居鄭傳○黃人不歸楚貢冬楚人伐
黃注黃人恃齊故

經十有二年春王三月庚午日有食之注無傳不書朔
官失之

夏楚人滅黃

秋七月

冬十有二月丁丑陳侯杵臼卒注無傳遣世子與僖公

同盟甯母及洮音義

杵昌呂反
洮其九反

傳十二年春諸侯城衛楚丘之郭懼狄難也注楚丘

衛國都郭郭也爲明年春狄侵衛傳音義

郭芳夫反
難乃旦反

下疏正義曰衛以二年遷於楚丘諸侯爲之築其城

至此爲之築其郭公羊傳曰郭者何郭也不單

言衛楚丘者見楚丘未有郭也諸侯不告魯不與故

不書無經而爲傳者其言必有所爲故云爲狄侵衛

傳

○黃人恃諸侯之睦于齊也不共楚職曰自郟及

我九百里焉能害我音義

共音恭焉於虔反

夏楚滅黃注郢

楚都○王以戎難故討王子帶注子帶前年召戎伐

周秋王子帶奔齊○冬齊侯使管夷吾平戎于王使

隰朋平戎于晉注平和也前年晉救周伐戎故戎與

周晉不和王以上卿之禮饗管仲管仲辭曰臣賤有

司也有天子之二守國高在注國子高子天子所命

爲齊守臣皆上卿也莊二十二年高侯始見經僖二

十八年國歸父乃見傳歸父之父曰懿仲高侯之子

曰莊子不知今當誰世音義守手又反注同見賢遍反下同若節春

秋來承王命何以禮焉注節時也陪臣敢辭注諸侯

之臣曰陪臣音義陪步回反王曰舅氏注伯舅之使故曰

舅氏音義使所吏反余嘉乃勲應乃懿德謂督不忘往踐

乃職無逆朕命注功勲美德可謂正而不可忘者不

言位而言職者管仲位卑而執齊政故欲以職尊之

音義督音篤疏正義曰余朕皆我也乃女也應當也懿美也督正也言我善女功勲當女美德

謂女功德正而不可忘宜受此禮往居女職無得逆我之命欲今受上卿之禮管仲受下卿

之禮而還注管仲不敢以職自高卒受本位之禮君

子曰管氏之世祀也宜哉疏

正義曰丘明之意假稱君子論管氏應合世祀

也宜哉而遂不世祀子孫絕滅是行善無驗故杜注云傳亦舉其無驗是也

讓不忘其上

詩曰愷悌君子神所勞矣注詩大雅愷樂也悌易也

言樂易君子為神所勞來故世祀也管仲之後於齊

沒不復見傳亦舉其無驗音義

愷本亦作凱開在反悌音弟本亦作弟勞

力報反注同樂音洛下同易以疏正義曰詩大雅旱

政反下同來力代反復扶又反疏蘊之篇愷樂悌易皆釋詁文樂易言志度弘簡忻樂而和易也世族譜管氏出自周穆王成十一年傳有齊管于奚譜以為

雜人則非管仲之子孫也哀十六年傳稱楚白公殺齊管脩杜云管脩楚賢大夫故齊管仲之後是管仲之後於齊沒不復見也

經十有三年春秋侵衛注傳在前年春

夏四月葬陳宣公注無傳

公會齊侯宋公陳侯衛侯鄭伯許男曹伯于鹹注鹹衛

地東郡濮陽縣東南有鹹城音義濮音

秋九月大雩注無傳書過

冬公子友如齊注無傳

傳十三年春齊侯使仲孫湫聘于周且言王子帶注

前年王子帶奔齊言欲復之事畢不與王言注不言

子帶事歸復命曰未可王怒未怠其十年乎不十年

王弗召也○夏會于鹹淮夷病杞故且謀王室也○

秋爲戎難故諸侯戍周齊仲孫湫致之注戍守也致

諸侯戍卒于周音義

爲于偽反下注欲爲同難乃旦反卒子忽反

○冬晉

荐饑注麥禾皆不熟音義

荐在薦反重也饑音飢

䟽

正義曰釋天云穀不

熟爲饑仍饑爲荐李巡曰穀不成熟曰饑連歲不熟曰荐

使乞糴于秦秦伯謂子

桑與諸乎對曰重施而報君將何求注言不損秦音

義

雜直歷反施式歧反下同

重施而不報其民必攜攜而討焉無

衆必敗注不義故民離謂百里與諸乎注百里秦大

夫對曰天災流行國家代有救災恤鄰道也行道有

福平鄭之子豹在秦請伐晉注欲爲父報怨秦伯曰

其君是惡其民何罪秦於是乎輸粟于晉自雍及絳

相繼注雍秦國都絳晉國都音義

雍於用反絳古巷反

命之曰

汎舟之役注從渭水運入河汾音義

汎芳劍反汾扶云反

䟽正義

曰秦都雍雍臨渭晉都絳絳臨汾渭水從雍而東至
弘農華陰縣入河從河逆流而北上至河東汾陰縣
乃東入汾逆流東行而通絳
故杜云從渭水運入河汾也

經十有四年春諸侯城緣陵注緣陵杞邑辟淮夷遷都

於緣陵

夏六月季姬及鄆子遇于防使鄆子來朝注季姬魯女

鄆夫人也鄆子本無朝志爲季姬所召而來故言使鄆

子來朝鄆國今琅邪鄆縣音義

鄆似綾反本或作縉

秋八月辛卯沙鹿崩注沙鹿山名陽平元城縣東有沙

鹿土山在晉地災害繫於所災所害故不繫國疏

正義曰公

羊傳曰沙鹿者何河上之邑也穀梁傳曰林屬於山為
鹿沙山名也服虔云沙山名鹿山足林屬於山曰鹿取
穀梁為說也漢書元后傳稱后祖翁孺自東平陵徙魏
郡元城委粟里元城建公曰昔春秋沙鹿崩晉史卜之
曰陰為陽雄土火相乘故有沙鹿崩崩後六百四十五
年宜有聖女興今王翁孺徙正值其地日月當之元城
郭東有五鹿之虛即沙鹿地計爾時去聖猶近所言當
得其實故以沙鹿為山名依漢書為義也沙鹿實是晉
地不言晉沙鹿者凡有災害繫於所災所害之處不繫
於所屬之國故不繫晉也釋例曰陳既已滅降為楚縣
而書陳災者猶晉之梁山沙鹿崩不書晉也災害繫於
所災所害故以所在為名災為陳災成周宣榭火害為
梁山沙鹿崩山崩必有所
害故所災所害別言之

狄侵鄭注無傳

冬蔡侯肸卒注無傳未同盟而赴以名音義

肸許乙反

傳十四年春諸侯城緣陵而遷杞焉不書其人有闕也注闕謂器用不具城池未固而去爲惠不終也澶

淵之會旣而無歸大夫不書而國別稱人今此總曰

諸侯君臣之辭不言城杞杞未遷也音義

澶市然反義

曰元年齊師宋師曹師城邢傳稱具邢器用而遷之師無私焉是器用具而城池固故具列三國之師詳其文以美之也今此總云諸侯城緣陵不言某侯某侯與城邢文異不具書其所城之人爲其有闕也知

闕為器用不具城池不固而去為惠不終故總言諸侯以譏之凡諸侯盟會不歷序其人總言諸侯者皆是譏之辭文十五年諸侯盟於扈傳曰書曰諸侯無能為也十七年諸侯會於扈傳曰書曰諸侯無功也是其總言諸侯皆譏辭也十六年會于淮傳緝城鄆從人病不果城而還亦是為惠不終而淮會具書其人之後乃欲城鄆而謀節且東略非為城鄆而聚會既會以為諸侯有過貶而稱人杜據澶淵之會與此傳文知諸侯之貶不至稱人故釋例曰傳滅入例衛侯燬滅邢同姓故名又云穀伯綏鄆侯吾雜來朝名賤之也又云不書蔡許之君乘楚車也謂之失位此皆諸侯貶之例例不稱人也諸侯在事傳有明文而經稱人者凡十一條丘明不示其義而諸儒皆據案生意原無所出貶諸侯而去爵稱人是為君臣同文非正等差之謂也又澶淵大夫之會傳曰不書其人按經

皆去名稱人至諸侯親城緣陵傳亦曰不書其人而
經總稱諸侯此大夫及諸侯經傳所以爲別也適校
春秋自宣公五年以下百數十年諸侯之咎甚多而
皆無貶稱人者益明此蓋當時告命注記之異非仲
尼所以爲
例故也 ○鄆季姬來寧公怒止之以鄆子之不朝

也注來寧不書而後年書歸鄆更嫁之文也明公絕

鄆昏既來朝而還音義還戶 闕反夏遇于防而使來朝○

秋八月辛卯沙鹿崩晉卜偃曰期年將有大咎幾亡

國注國主山川山崩川竭亡國之徵音義期音基 咎其九反 幾

音祈又 音機 疏正義曰成五年傳曰國主山川故山崩川
鳴君爲之不舉周語幽王二年西周三川

皆震伯陽父曰昔伊雒竭而夏亡河竭而商亡國必
依山川山崩川竭亡國之徵也卜偃明達災異以山
崩為亡國之徵知其將有大咎不言知之意非末學
者所得詳也釋例曰天人之際或異而無感或感而
不可知沙廉崩因謂期年將有大咎梁山崩則云山
有朽壞而自崩此皆聖賢之諫言達者所宜先識是
說卜偃之言非後人所能測

○冬秦饑使乞糴于晉晉人弗與慶

鄭曰背施無親注慶鄭晉大夫音義

背音佩後皆同
施式豉反注及

下而施毛十
五年皆同

幸災不仁貪愛不祥怒鄰不義四德皆

失何以守國虢射曰皮之不存毛將安傅注虢射惠

公舅也皮以喻所許秦城毛以喻糴言既背秦施為

怨以深雖與之糴猶無皮而施毛音義

傳音附

疏

注正義曰

晉語云秦饑惠公命輸之粟虢射請勿與慶鄭請與之公曰非鄭之所知也遂不與秦侵晉至于韓公謂

慶鄭曰寇深矣奈何慶鄭曰非鄭之所知也君其訊射也公曰舅所病也是虢射為惠公之舅也

慶

鄭曰棄信背鄰患孰恤之無信患作失援必斃是則

然矣虢射曰無損於怨而厚於寇不如勿與注言與

秦粟不足解怨適足使秦強慶鄭曰背施幸災民所

棄也近猶讎之况怨敵乎弗聽退曰君其悔是哉

春秋左傳注疏卷十二

春秋左氏傳注疏卷十二考證

楚人圍許注楚子不親圍以圍者告○

臣召南

按傳明

曰楚子圍許以救鄭下又明曰蔡穆侯將許僖公以見楚子于武城不得云楚子不親圍也

傳圍新密鄭所以不時城也注鄭以非時興土功齊桓聲其罪以告諸侯○顧炎武日知錄曰罪莫大於逃盟而但責其非時興土功不亦細乎且上文固曰以其逃首止之盟故也則不煩添此一節矣

傳許男面縛銜璧○趙汭補注曰微子啓事蓋逢伯設辭以動楚君欲其全許耳劉侍讀疑許事爲妄誤矣小邾子來朝○宋忠曰邾顏別封小子肥于邾爲小邾子

公會王人齊侯宋公衛侯許男曹伯陳世子款盟于洮

○臣浩按公羊經陳世子款下有鄭世子華經下文

即曰鄭伯乞盟則華必不得列于是會左氏經是也

傳夏狄伐晉○臣名南按此傳與上晉里克帥師本同

一篇各本俱用一圜斷之似誤

又注明期年之言驗○監本脫驗字今增

傳齊侯盟諸侯于葵丘○趙仿補注曰傳記盟辭凡我
同盟之人既盟之後言歸于好即孟子所述之末句
其五禁之辭傳不能舉則二伯之事闕漏多矣臣召

南按葵丘五禁三傳惟穀梁略記數語而亦不備呂
東萊集解即以孟子初命曰全文截附傳下

傳宰孔先歸○陳傳良曰傳言宰孔不與盟

傳晉卻芮使夷吾重賂秦以求入○趙仿補注曰里克志在重耳夷吾得國不以正秦穆公貪賄而無遠畧重耳克讓舅犯有謀其事皆見于外傳可補傳文之闕

臣名南

按桓文二霸傳文俱不盡詳而齊桓尤畧

齊語晉語則始末具載矣

傳及七輿大夫䟽服虔云上軍之輿帥七人屬申生者

○臣名南

按韋昭注晉語曰七輿申生下軍之衆大

夫也說同服義但申生初將下軍自東山之役乃將

上軍孔䟽于杜注無不曲護惟此條以劉炫從服義
為是

傳受玉情䟽拜不稽首誣其王也又誣王無人又晉侯
誣王人亦將誣之○監本誣字俱訛作無今依周語
改正

傳有天子之二守國高在○臣浩按齊語亦但言高子

國子故杜云不知今當誰世林堯叟曰大國三卿其
二卿命于天子則曰天子之守臣

傳謂百里注百里秦大夫○林堯叟句解曰即百里奚也

諸侯城緣陵注緣陵杞邑○臣名南按漢書地理志北

海郡營陵注臣瓚曰營陵春秋謂之緣陵

沙廐崩注陽平元城縣東有沙廐土山○陽平監本訛

作平陽今改正

春秋左氏傳注疏卷十二考證